

豐城縣志

250.105

38

211





豐城縣志卷之二十二

人物志列女傳一

烈女  
節婦

烈女



孝女

烈婦

元

陳淑貞儒士璧之女避亂家龍興七歲能誦詩鼓琴元末陳友諒寇郡聞變取琴坐牖下彈之曲終泫然流涕父母怪問淑貞曰城陷懼遭辱兒絕絃於斯矣明日賊至投東湖水淺不死賊抽矢脅之上岸不從乃射殺之

明

呂元勝女貴英許字富城藍仁年十七未嫁而仁死其姑

豐城縣志

卷之二十二

烈女

貧老無子貴英聞訃往弔相持慟甚因留事姑數年姑歿經紀喪葬畢人勸之嫁引刀自剄死

國朝

于宇春女劉羽搏聘妻值兵懼汙赴深潭死

甘烈女邑郭大街簡文女順治戊子年十七高兵至女以殊色被擄度非計不能脫佯歡笑賊稍弛之行至馬湖墻躍入湖水淺不死賊呼曰何自苦乃尔烈女罵不絕口賊射之遂斃

歡英羅湖管氏女字新建蕭維賢維賢病故訃至女入房手握聘書自縊夫家迎柩合葬



一隆弟丙之女沙湖人許字周鳴盛鳴盛卒女年十六聞計號泣誓不再嫁父母勸之不應投繯死

袁氏五坊抗宗女字臨邑許德高德高身故女年十四聞訃哀號絕粒赴水死

二坊蔣宗裘女佻秀許字同里劉赤元咸豐九年聞赤元被賊殺誓以身殉投繯數次家人解救悲慟不食死年

十六

楊氏字二坊羅貴興年十三聞賊逼近恐汚投深潭死

曾氏龔塘武生高發女咸豐辛酉年十八賊至偕女伴逃賊追及女投水賊趨救以竹竿援之女拋竿躍入水心

豐城縣志

卷之二十二

烈女

二

而死賊遂去女伴得全聞者驚嘆

徐氏官莊徐松茂女咸豐辛酉遇賊欲污之不從被殺

范氏篠塘李鳳興聘妻咸豐七年賊入境恐被辱投水死

楊氏富洲盛廷梅聘妻九江千戶楊奉標女廷梅膺疾卒

於粵氏聞訃號痛絕食死

徐氏盤山知津女字吳塘邊吳年十六聞夫歿堅臥不食痛泣七日遂亡

彙記烈女

聶仲娥

一坊義一

傅七英

四坊采七

楊菊花

五坊祥發

徐蘭英

五坊志三

羅字曾

五坊佐朝

羅字曾

五坊佐輝

女

女

女

女

童婦

童婦



熊資秀

六坊陞崇女

羅庚秀

八坊廣賢女

鄒毛秀

八坊忠二女

涂喜秀

八坊浪十女

徐救秀

一坊發周女

鮑斗秀

六坊步奎女

以上十二名係咸豐年間髮逆竄擾時舍生取義抱璞

全貞者

曾貞秀

明嵩女

楊廣娣

餘周女

此二名據省垣節烈祠補載



貞女

明

仇氏許字瓘山熊國瑞未歸國瑞歿時仇年十六母欲奪其志不從徑歸熊執三年喪恪修婦職終身不返母家

國朝

楊冬秀沿溪人幼字徐夫客雲南歿氏於母家守志歲勤紡織給翁姑食翁姑病親往侍湯藥歿殯葬盡禮喪畢仍歸母宅完貞以終

余氏邑郭袁繼勳聘妻素知書年十九歸有期矣而繼勳死聞訃暈絕姻戚交勸乃告父母過袁治喪後有以婚媾求者堅卧不食袁知其志決爲立繼勳兄子繼之植操嚴飭三十年不苟言笑

周氏在城左思芳聘妻年十八夫歿於母家守貞四十三  
年

潘氏涂修典聘妻年十九修典病卒氏悲號奔喪父母止之尋死者再乃使媪偕之往入門撫棺慟幾絕翁姑曲解得不死氏語送者曰歸告父母我生入涂門死爲涂鬼矣後克修婦道足不踰柩

李氏涂綏祖聘妻綏祖以力學成疾不起氏年十八聞訃投繯以救不死力請於父母赴涂守志舅姑逐之歸立



子爲其後氏坐卧小樓終日紡績惟一老嫗偕家人罕見其面嘉慶十年題准建坊

袁氏女袁坊戶部主事守定孫女幼慧知書其父國學生濬以字南昌蔡氏未適吉夫歿舅姑老女歸蔡治喪奉舅姑以終後坐卧一小樓數十年足不履地

李氏女五坊人字涂未嫁涂氏子卒年十六泣請歸守貞袁潛爲作貞女行後克享高年貞壽雙全

周氏女南巷難廕周元凱姑母許字高安朱文端公會孫未歸夫歿守貞以終

吳氏七坊邦彥女字毛廷樂廷樂卒女年十九隨訃奔喪

豐城縣志

卷之二十二

貞女

二

慟不欲生妯娌勸止遂縞素終身不出閨闥

鶴村杜存利女梅秀字黃起忠忠卒女年十八聞訃痛絕誓不改字母見志決不忍奪聽其守貞以終

屈氏忠孀女與舒交最好女未生指腹聯姻舒子兩歲卽歿女長父母議別字女不允終事父母歿殯殮如儀年六十二全貞以終

黃氏際義女周煥鼎聘妻未嫁鼎卒女年十九聞訃痛哭欲奔喪父母勸阻於母家守貞卒年五十八

李氏篠塘允賢女字西岸涂世攸幼養於涂未合昏世攸客外身故氏哀痛不已絕粒數日姑開導之強起操作



撫夫族弟子爲嗣紡績之暇勗以義方苦節三十四年  
同治八年題准建坊

李氏篠塘繼來女幼歸甘棠涂希孝未合吞夫歿悲號幾  
絕有勸改適者正色拒之翁姑以其志堅立夫兄子爲  
嗣氏并曰親操奉養無缺同治九年題請

旌表

劉氏幼字袁文梅于歸屆期梅暴卒聞訃奔喪樓居數十  
年家人罕見其面

余氏字七坊金風發年十四風發卒氏往守貞姑患足不  
能舉動朝夕扶持左右侍養數十年如常王憲以貞節

豐城縣志

卷之二十二

貞女

三

流芳獎之題請建坊

李氏維拔女字胡于仁于仁歿聞訃投繯以救免欲歸胡  
效節胞弟病卒父慟子喪明不忍遠離膝下遂於母家  
守志勤紡織不茹葷卒時有異香繞室人咸以爲節孝  
所感云

彙記貞女

黃字李

黃相六女

陳清秀

二坊正八女

聶傑秀

二坊耀宗女

黃字龔

二坊黃尊四女

黃氏女

二坊尊四女

江先妹

七坊明九女

以上六名類皆抱璞完貞一塵不染



孝女

國朝

熊蓮英南巷周忻女忻死女在腹越四月乃產母撫女苦守稍長母爲擇壻女卧不起絕粒數日母問故女曰母氏青年守節膝下無兒女在可服侍女去母將何依願終事吾母足矣母陽許之私爲論婚女覺跪泣曰請自今不復事母矣母知其意決遂不復強後勸母嗣叔子母女相依六十餘年

呂大妹一坊信功女信功無嗣稍長欲字之女曰旣無兄弟女復他適誰奉養阿爺者遂終不字親歿家益落戚族或勸改適女正色拒之時稱貞孝

豐城縣志

卷之二十二

孝女

葛細妹一坊塘下女適陽坊吳姓距塘下十里母孤獨家頗饒老病難痊女侍湯藥日往返無間母死親屬不至自負衣衾往殮葬畢抱母主大哭去不復來母家田產任親屬據之

袁氏女三坊觀下曾兒五妻父歿兄弟或死亡或遠賈母老無依乃稟命姑幃迎養其家母常病泄同寢處穢穢如塗恐姑見被幅械臉每私出滌之姑偵知給錢米命送歸母病劇牀箚間抱母躑躅上下晉湯藥禱神祇淚下泫泫累日也母死治喪盡哀葬畢始還鄉里稱孝



楊氏一坊徐言九妻二十八歲守貞家貧常可食母家咸  
豐六年髮逆竄白馬寨父母被執欲救未由痛楚哀號  
赴水死



烈婦

元

孔氏袁坊袁用賓妾至元間寇兵肆掠縛用賓去孔尾至臨川名賢鄉度用賓無脫理乃泣曰夫既不可脫吾義不受辱呼號赴井死

袁氏儒學提舉朱本妻至正壬辰兵起與夫自福州返富州渡河遇寇袁義不受辱投水死本脫歸終身不復娶  
蘭氏汪某妻陳友諒部將鄧陷江西及豐汪以千金賂其帥求免剽掠帥聞蘭美反殲汪家獨生蘭及四歲嬰將納之蘭曰帥貴人也妾得事無恨但夫初喪請持一月

豐城縣志

卷之二十二 烈婦

服未晚帥從之移兵他郡命二姬守越數日蘭俟二姬熟睡乃先殺嬰嚙指血書壁曰涇渭難分濁與清此身不幸厄紅巾孤兒豈忍從他姓烈婦何曾事二人白刃自揮心似鐵黃泉欲到骨如銀荒村日落猿啼處過客聞之亦愴神書畢自刎

按省志列蘭氏南昌謂不知何縣人壬申邑志考陶九成輟耕錄確載爲豐城人

明

陳氏謹娃妻娃爲九江巡司掾攜陳及女壽英家焉流賊掠九江娃被執時壽英甫笄陳年三十餘色俱麗賊欲污之先殺娃陳罵曰汝戕吾夫恨不磔汝賊怒殺陳壽



英杭二屍以血塗面厲聲罵復見殺賊退殯於司馬門  
皆無全屍後九江守馬核實題表

羅氏朱潮濟妻父早喪母再適人羅幼泣諫曰父死再醮  
不如攜子女同死氏歸朱二年而潮濟卒視殮畢遂自  
縊嘉靖間題表

吳氏諸生周珍妻年二十珍遭疾及革曰我死汝可事他  
人吳以死自誓珍亡翼日殮畢入室自縊合葬登仙鄉  
號節婦塚

熊氏余繼妻事舅姑孝繼疾度不起令治後事熊出篋中  
帛對繼紉襲各二泣謂繼曰君不幸當服此相從耳繼

豐城縣志

卷之二十二

烈婦

二

卒視殮畢卽衣所紉衣自縊死與繼合葬施家園

胡氏賴文璧妻年二十一歸文璧未逾月文璧訪外舅溺  
於磯山渡胡歸甯過夫溺處自赴水家人援之起父母  
憐其少諷使再適服麻經自經死

鄒氏宋聰一妻聰一卒將葬鄒謂工曰可作雙壙遂自縊  
因合葬焉

黎氏蔣默妻嘉慶辛酉閩廣寇毒隣境淫掠婦女黎聞之  
謂默曰彼婦均竄耳縱不能脫祈死何難寇至投小池  
以面入泥中死

潘氏聶庄妻庄商泗州病卒舅姑促令改嫁適驟雨湖漲



整衣赴水死

萬氏黃烜妻烜病革訣曰汝年少悉惟汝志萬曰將從君地下耳踰年值姑喪衰絰在身火燎衣灼體因嘆曰向未死者姑在也今得死所矣家人投以藥固却之創甚卒

曾氏南湖李維暘妻年十八歸維暘子二女一崇禎丙子邑遭寇氏從夫攜子女渡江避亂甫及岸寇淹至夫與長子忽相失賊擁氏及幼子耀宗女淑英北行次老蛤石河畔賊隊亂防疏抱子女躍入江中賊欲救見水深流駛度無及嘆息去

豐城縣志

卷之二十二

烈婦

三

國朝

甘氏瓘山熊州俊妻兵至甘急呼州俊負母逃州俊慮甘見辱甘指水訣曰勿憂是吾死所矣遂赴水死吳尹中奇弔以詩巡按吳贊元題請建坊

吳氏袁道庚妻少喪母依嫂年二十歸道庚庚得羸疾支離床蓐氏事之唯謹及病革執氏手曰吾悞若矣死當他適無戀戀也氏正色曰請從死道庚頷而瞑躬親含殮越五日出葬氏以頭觸棺血流牆壁家人護掖歸不食至六日夜分自縊死時年二十二乾隆五十六年題准建坊







欲汚之晏曰有死而已無相逼也遂見殺血染崖石至  
久色不變

楊氏羅塘鄧文忠妻順治丙申土賊入境姑老卧病氏死  
守不去賊欲汚之不從遇害

翁氏瓘山諸生熊明傑妻夫卒氏年二十父母令改適不  
從遂自經夫柩側

袁氏瓘山諸生熊明暹妻順治乙酉土寇至氏年十九懼  
汚赴水賊關弓迫之不起斃于亂箭池水皆赤孫正哲  
妻李氏年二十四誓歿舅姑以無子命改適李曰婦不  
二天請終事舅姑誓守撫姪爲嗣人稱世節

豐城縣志

卷之二十二

烈婦

五

蔣氏邑鄆甘爲志妻順治初高兵寇豐蔣有身數月倉皇  
負幼子偕鄰婦避甫出門被掠蔣求死不得會寇入他  
戶乘間語隣婦曰汚而生甯潔而死抱幼子躍入井隣  
婦從之水涸未死寇拘隣婦翁踪跡至井翁以危語劫  
隣婦上寇注意蔣百計給之起蔣曰吾惟速求一死寇  
怒推井上石欄下母子俱斃里人義之迂瘞折桂門外  
胡氏沈氏胡氏松湖熊鳴鳳媳戊子八月八日金聲桓之  
變鳴鳳家遇害者五人先是長子嗣蕃妻胡氏早寡無  
子時歸甯母家聞變逸歸被執不屈賊殺之次子嗣貴  
季子嗣賢及從子有恆皆以捍禦死有恆妻沈氏痛夫



罵賊賊執之罵益烈賊怒割其尸嗣貴妻胡氏方哀號夫尸側被縛上馬胡乘間躍下李家橋賊飛矛注之受刃七矢二賊去家人出諸水傅以藥越日而甦鳴鳳夫婦脫賊時卽匿胡遺孤孤得無恙後胡撫孤成立年八十餘創痕尙隱隱一門節烈世所罕有

李烈婦江南六安州人其夫謝賢棋娶歸豐賢棋病篤謂婦青年無子令別醮婦曰千里相隨夫死改適狗彘不食其餘也賢棋歿哭絕數次鬻簪服辦棺衾旣殮絕食一夕撫棺大慟自經死

葛氏在城生員孫玉華妻年二十七夫歿絕粒死

豐城縣志

卷之二十一

烈婦

六

甘氏大路楊逢春妻年二十夫歿投繯姑覺救甦復絕食八日而死

何氏沅江左榮正妻年二十九守節家貧火焚其居有逼以再醮者氏哭拜夫墓歸自縊死

潘氏瓘山熊修光妻年二十七夫歿至四十九日沐浴更衣投繯死

熊氏斗溪萬賓錚妻年二十四夫歿至百日自經死

熊氏田壠蘇秉彩妻年二十五夫歿苦節九年因姑亡子歿爲夫立後告祖畢遂自盡

鄒氏洛溪呂祐周妻年二十歸祐周祐周客楚病故聞訃



卽請族爲夫立嗣夜半自縊時年二十六

梁氏洛溪呂克聖妻歸三月克聖往荊州次年克聖歿氏  
聞耗哀慟越七日夜分投繯死

葛氏埂上熊邦儉妻年二十一夫歿無嗣日夜哭泣求夫  
兄邦翰爲立後邦翰以次子繼之未數日以痛極嘔血  
死

游氏黃塘鄒昌象妻年二十二夫歿越七日自縊

楊氏陡洪溪胡新春妻年二十五夫歿自縊

余氏城背陳萬達妻年二十八夫歿月餘孤復歿自經死

張氏田東廟謝應孫妻年二十六夫歿遺孤旋亡貧病憂

豐城縣志

卷之二十一 烈婦

七

傷以歿族憫其苦節設位上食三年

熊氏陳坊傅英興妻夫逝隨歿時稱節烈

朱氏上點楊明衝妻年二十夫歿遺孤歿生母諡以改醮  
絕食三日不死未幾哀傷終

袁氏五坊李同梧妻年二十一夫亡五日不食卒

陸氏學前鄒賢學妻奉翁姑孝謹家中落以女紅爲生計  
夫故年二十七暈絕者屢甦復強操作有勸其改適者  
面斥之憂憤咯血死咸豐十年詳請

旌表列總坊從祀節烈祠

葉氏楊明構妻年二十七矢志撫孤孤旋歿氏悲號別姑



曰孤死總無復生矣遂出哭夫墓以頭觸石幾斃急救始甦扶歸強作料理以所有田產囑伯氏爲夫立後餘錢伍伯串捐修小港閘親屬知其必死更迭謹防一夕偶倦氏遂縊死同治四年詳請題表

鄒氏楓林橋國學譚葉淑繼妻年十六夫歿殯殮畢痛裂肝腸嘔血而死同治四年詳請題表

范氏篠塘邑庠生李言恭妻年二十七夫故葬畢不食死同治四年詳請題表

周氏儒童關於墀妻年二十三夫故治喪畢飲藥死同治四年詳請題表

豐城縣志

卷之二十二 烈婦

徐氏曾勝遠妻年二十四夫故哀痛不食死同治四年題表

盧氏篠塘李連喜妻年三十夫故投繯救甦越日飲醜死同治四年題表

曾氏篠塘李允貴妻夫客外故氏年二十八聞耗哀號是夕縊死同治四年題表

陳氏王颺升妻年二十九夫病刲股弗效夫歿撫孤承祀逾年子歿不食而死同治四年題表

傅氏鄒道瀾妻年二十五夫歿喪畢縊死同治四年題表  
楊氏幼字熊運喜年十七合昏日夫暴死愴裂肝腸投水



而死同治四年題表

李氏邑鄆黃緒鈞妻年十八于歸未期夫歿家貧紡績度日守節二載痛夫無嗣自縊死道光十年題表

雷氏李崇連妻年二十七夫死是夕自盡同治四年題表  
丁氏黃昭瑞妻年三十夫歿哀號絕粒葬畢自縊同治四年題表

徐氏蔣家樓蔣維翰妻年二十適蔣甫半載夫病瘵及革時握氏手透爪囑以葬祖姑後守適唯尔氏泣領之葬畢卽夕衣衰麻經死時年二十二學憲張以就義全貞獎之

豐城縣志

卷之二十二

烈婦

九

劉氏四坊楊人材妻年十九夫歿殮畢氏投繯家人救止勸之曰翁姑在堂何遽若此氏曰叔已成立侍奉有人又勸曰汝夫雖殯尙未葬也氏領之後葬夫畢自縊死李氏四坊曾勝訓妻年二十二夫歿氏慘痛絕粒父母諭以親理殯殮立起治喪越三日送葬畢跪姑前泣謂妯娌曰善事老姑爲我夫立嗣未亡人銘感泉下矣家人密防之少懈遂自縊

范氏槎山李士拔妻士拔歿氏哀痛慘切絕飲食者四日家人百方開諭或隔宿一食閱月防守偶疎竊服鉛粉而死



毛氏金印山楊煥興妻年二十一夫歿誓同穴七日不食死

周氏三坊熊先忠妻年二十七夫歿痛甚咯血死

熊氏五坊蔡永祥妻祥客外病故氏聞訃哀痛雉經死

張氏上點楊良溶妻年二十三夫歿哀痛成疾咯血而亡

杜氏一坊雩上劉端三妻夫早逝家貧三子幼氏勤紡織

撫養兼資咸豐七年髮賊突至被執欲污之氏罵詈賊

佯以刃加頸氏益罵遂遇害同治四年邑紳爲請旌

杜氏門樓黃光洗之妻年七十餘咸豐丁巳寇至女家迎

去寇又至女家盡逃氏留守一村嫗爲伴賊入戶氏罵

豐城縣志

卷之二十二

烈婦

十

賊旣焚掠我村庄又毀傷我女家斷頭奴鬼神將戮爾

矣賊怒以刃刺其腹而死村嫗爲黃氏具言其慘如此

楊氏四坊熊善萬妻咸豐七年氏年六十三賊燬其家罵

賊不輟以火鑠骨而死

李氏銅湖劉兆洪妻 贈奉直大夫李之實次女也年十

八適劉克循婦職以孝聞夫歿年二十一無子欲身殉

絕粒數日姑諭之以夫兄子女各一爲嗣氏承命撫孤

益勤操作咸豐六年二月石逆入境嗣子被擄謂女福

英曰身不可辱也生含羞曷若死無憾女泣諾同赴水

死氏年四十三女年十八同治七年題請雙旌從祀



節烈祠

熊氏金長經妻年二十五夫故矢志守貞咸豐十一年罵賊被戕死

徐氏定林蔡夫入妻咸豐丁巳遇賊欲污之氏大罵賊怒欲殺之氏攜女赴水死

夏氏熊堅八妻年十七夫死志在必殉越歲奉夫主入祠遂自縊

周氏徐燦二妻年二十一夫故投繯家人搶救數日不食嘔血死

楊氏熊正世妻年二十三夫死哀傷骨柴立塋畢投繯自

豐城縣志

卷之二十二 烈婦

十一

盡

王氏夏國珍妻年二十四夫故守貞咸豐四年髮逆竄境氏懼辱抱幼女溺死屍浮女猶在抱

熊氏二坊武生周廷彥妻年二十三守貞咸豐九年避賊絕粒而死

金氏龔遠觀妻年二十慟夫自縊死

毛氏史遠瀾妻年十七合昏未及期瀾出質黔陽粵逆適竄豐氏恐被污投水死

曾氏湖茫李公溥妻咸豐七年避亂官圳遇賊逼污不從抱女投水而死



喻氏二坊花園雷楊圃妻咸豐六年髮逆竄擾氏負姑逃途遇賊欲污之罵不絕口賊殺之時年二十二

傅氏六坊監生楊福元妻隨夫避亂浦城咸豐八年浦陷氏同女蘭英閉門縊死時氏年三十五女年十七

黃氏三坊儒童周大邦妻年二十五守貞咸豐七年十月卧病在牀聞賊至解帶自縊

萬氏四坊鄔故四妻咸豐丁巳年十八髮逆突至不及避粹氏逼污氏痛罵直搥其面賊殺之剖腹見孕慘不

饒氏六坊徐包一妻聞警急避路遇賊逼污不從抉肉刳心而死

豐城縣志

卷之二十二

烈婦

十一

徐氏六坊鄧持三妻咸豐十一年值亂抱子匿窮谷賊尋入欲污之氏怒罵不從爪傷賊面賊支其尸並殲其子章氏五坊萬瑞楠妻咸豐丙辰髮逆竄境投水死同治八年彙請於卹

徐氏河灣例貢何如龍妻咸豐七年賊逼近村氏攜穉孫至村旁渡口無舟賊至恐爲所擄抱孫赴水死

朱氏于科鼎妻咸豐十一年避亂秀才埠遇賊抱女投水死

熊氏三坊李朝二妻咸豐七年路遇賊欲污之氏給以全至其家至塲下忽抱子投水賊涉救躍入深處死



何氏三坊劉國舒妻咸豐丁巳賊至恐受汚抱子投水死

聶氏三坊周南九妻遇賊懼汚抱一子一女投水死

黃氏四坊李茂富妻年四十賊至不及避抱孫女赴深潭死

鄒氏四坊羅運忠妻咸豐八年臨江敗匪竄撫郡氏抱子逃遇賊棄子疾奔投于水賊追及已入深處賊復以長槍刺之水皆赤

涂氏白馬寨楊耀臨妻聞亂僱舟至大江口遇賊抱孫女與媳徐氏同赴水死

余氏五坊陳瑞三妻避亂至河邊賊追及母子投河死

豐城縣志

卷之二十一

烈婦

十三

盧氏五坊熊奇五妻咸豐七年于麻埠圳遇賊攜女菊花赴水死

羅氏八坊鄭廣發姪媳咸豐十一年寇四偏氏同廣發女仙秀姑嫂曳手投水死

鄔氏謝光祖妻咸豐辛酉賊至攜女同姑朱氏投水死  
王氏湖塘鄒遠五妻遇賊罵不輟賊殺之并其孫及媳熊氏

周氏鯨源潘鼎岑妻咸豐丁巳賊至逼汚赴深潭死

盧氏衢塘潘邦順妻咸豐辛酉髮逆逼汚不從投水死

江氏傳之三妻咸豐十年賊至詈罵不輟被戕死時年六



十二

丁氏邑鄆熊品琮妻咸豐七年避亂至小港口遇賊懼汚  
抱子添喜投河死時年二十

朱氏一坊周才高妻咸豐十一年遇賊西鄉攜兩子一女  
投河死

羅氏一坊何孔懷妻咸豐十一年遇賊抱女赴水死

毛氏社里史從耀妻見夫被賊戕害哭罵不輟投水死

應氏三坊曾君茂妻咸豐丁巳遇賊不從受極刑死

楊氏大塘毛新基妻咸豐丁巳為賊追逼至石灘橋投水  
死

豐城縣志

卷之二十二 烈婦

十四

蕭氏大塘毛名亮妻咸豐丁巳賊逼汚不從投港死

曾氏一坊熊文浪妻咸豐十一年賊入境誘汚不從奔楊

仁橋溺死時年二十

孫氏覺溪徐步佳妻咸豐七年遇賊不辱被害

曾氏同造孫延五妻咸豐十一年賊入境迫脅不從遇害

鄔氏絲塘李森宗妻咸豐十一年賊至抱二女投水死

楊氏二坊陳輪高妻咸豐六年二月遇賊脅誘不從賊憤

甚繫氏髮馬尾拽數里垂斃解之復誘氏乘間投水死

聶氏一坊官莊村徐瑞祥妻咸豐戊午聞警出避賊猝至

偏之投望墪橋下死時年十八



喻氏榮塘陳華珍妻咸豐辛酉聞警偕村婦出避遙見賊  
旗遙至遂捨諸女伴自經於林族眾以文祭之

黃氏一坊熊迪九妻咸豐辛酉攜子女避賊賊逼近氏恐  
汚抱子女投水死

毛氏楊煥新妻年二十守貞聞髮逆逼近絕食死

王氏陳埠徐雪一妻咸豐十一年被擄不從投水死

李氏陳埠徐華三妻咸豐十一年賊至恐汚投水死

熊氏城坊生員傅飛鵬妻咸豐十一年賊竄境逃入縉山  
賊上山搜掠氏恐汚墮崖而死五臟俱裂

邑有兩黃氏者一徐正鴻妻監生黃秀亨女一徐光輝妻

豐城縣志

卷之二十一

烈婦

十五

生員黃相治孫女也鴻與輝皆青藍村人所娶所適亦  
同宗咸豐七年避難偕行至漢口見賊旗逼近攜手橋  
上輝妻謂鴻妻曰吾與若皆年少賊至必汚與其生而  
蒙羞何若死而全節乎鴻妻遂抱子全輝妻死於水聞  
者太息

葉氏榮塘陳燦恣妻咸豐辛酉粵匪竄境氏與夫年七十  
餘守廬舍媳于氏卧病不及避賊至逼汚不從賊砍其  
頸入寸許氏痛媳詈罵燦恣與賊相拒賊奮戈遂全遇  
害先是子敬達聞警逸出中途被擄亦罵賊不屈死時  
有一門全節義之稱



張氏滕坊諸生金泥誥妾年十七侍泥誥甫兩載泥誥力學成疾卒張與嫡周氏矢志靡他守節二十八年足不踰柵歲辛酉髮逆毒隣郡張聞亂避任港北樓下賊突至懼辱赴井死同治七年與周氏彙詳題表列總坊魏氏八坊赤坑涂洲九妻年九十六聞寇至不能昇出閉柴荆賊毀門入家四壁窮搜烏有氏詈罵賊怒罵益厲曰我老憊極矣豈畏死者我死必于紂絕陰天中呼神殛汝斷賊氛以還我 國家清平世宙賊竟裂其身焚其室而去慘不可言聞者髮豎

黃氏三坊周運會妻年二十守貞咸豐丁巳十月髮逆入境氏隱身匿跡遂餓而死

豐城縣志

卷之二十一

烈婦

十六

彙記烈婦

熊氏楊聯芳妻	張氏熊永建妻	何氏徐祖渥妻
熊氏楊漢波妻	李氏楊漢坤妻	聶氏徐廷星妻
鄒氏傅桂茂妻	李氏徐德美妻	陳氏朱式鵬妻
陳氏朱參十母	于氏朱參十妻	周氏朱參三妻
張氏劉盛八妻	徐氏羅亨恩妻	虞氏羅亨佑妻
周氏李進一妻	劉氏易太和妻	陳氏黃雄臣妻
黃氏毛大二妻	徐氏夏集勳妻	聶氏毛懷三妻
陳氏饒賤興妻	劉氏闕風一妻	曾氏鄒鰲仔妻



熊氏甘坤六妻 劉氏黃繼善妻 楊氏余江十妻

鄒氏黃元之妻 張氏曾會二妻 楊氏夏以六妻

魏氏楊先六妻 鄒氏喻常許妻 熊氏葉鄒八妻

黎氏熊梅一妻 黃氏祝兆祥妻 甘氏黃志高妻

楊氏熊啟太妻 黃氏白先八妻 劉氏鄒體八媳

鄒氏徐秋五妻 余氏楊岳三妻 呂氏夏可佳妻

沈氏曾華甫妾 吳氏陳允三妻 徐氏范先九妻

王氏林仁全妻 曾氏余龍光妻 陳氏黃是六妻

易氏聶同九妻 羅氏袁江九妻 甘氏袁江十妻

曹氏曾上一妻 繆氏曾上二妻 羅氏鄭開和妻

豐城縣志 卷之二十二 烈婦 十七

鄢氏聶鎮長妾 李氏劉 妻 康氏袁 妻

李氏夏 妻 氏聶耀宗妻 黃氏徐遠華妻

徐氏周貴儀妻 王氏周宣澄妻 左氏鄴授獻妻

熊氏徐映璧妻 周氏熊曰江妻 范氏鄒學華妻

熊氏黃 妻 盧氏任興一妻 黃氏徐播金妻

孫氏徐明二妻 陳氏王緒之妻 周氏王某之妻

王氏黃 妻 毛氏曾佐禮妻 盧氏裴 妻

李氏熊 妻 史氏熊 妻 楊氏唐 妻

涂氏朱華八妻 魏氏陳 妻 氏王颺春妻

李氏熊宗保妻 陳氏熊楊七妻 余氏熊雀八妻



徐氏熊除七妻 氏熊春隆妻 李氏曾中四妻

楊氏熊先行妻 黃氏雷 妻 戴氏翁 妻

張氏嵇 妻 朱氏翁 妻 黃氏吳 妻

周氏萬介願妻 董氏鄭昭九妻 甘氏曾佐遺妻

汪氏楊國正妻 胡氏楊國信妻 熊氏陳 妻

熊氏傅 妻 羅氏唐太吉妻 黃氏王緒錕妻

任氏孫銓有妻 甘氏熊鼎新妻 裴氏鄒際奇妻

王氏鄒際顯妻 范氏鄒昌仁妻 張氏鄒昌曾妻

范氏鄒昌寅妻 夏氏胡鳳廷妻 鄒氏周睦九妻

羅氏鄭聞淑妻 徐氏王名輝妻 楊氏羅夏八妻

豐城縣志 卷之二十二 烈婦 十八

雷氏黃文則妻 劉氏李瑞芝妻 羅氏李三錫妻

裴氏李有順妻 潘氏李秉虬妻 熊氏李浪六妻

倪氏李格九妻 劉氏李定和妻 嚴氏李德秀妻

嚴氏李永貴妻 李氏涂恆太妻 黃氏涂冲二妻

周氏涂聲遠妻 李氏萬啟沃妻 蔡氏萬啟猷妻

涂氏袁旭光妻 胡氏饒光華妻 龔氏傅啟元妻

蔡氏蘇 妻 劉氏章明隆妻 盧氏熊德月妻

羅氏曾恢先妻 甘氏曾知五妻 趙氏陳 妻

涂氏陳慎十妻 徐氏蘇迨一妻 梅氏姚本元妻

熊氏姚才元妻 王氏黃嶺八妻 戴氏徐鼎四妻



饒氏徐余三妻 徐氏戴甲四妻 盧氏徐隆三妻

曾氏羅同一妻 周氏黃多一妻 鄒氏羅潔八妻

戴氏羅雅一妻 劉氏朱正柄妻 吳氏朱憲璋妻

李氏朱憲玻妻 涂氏朱憲璜妻 李氏曾德和妻

倪氏熊啟僖妻 鄒氏周穆五妻 戈氏雷品貴妻

熊氏楊池一妻 劉氏何云七妻 熊氏羅時敘妻

潘氏周德祥妻 袁氏周輝祖妻 蔡氏李定旺妻

吳氏李日輝妻 蔡氏萬秉燹妻 舒氏萬惠然長媳

曾氏朱聯榜妻 鄒氏袁文景妻 趙氏萬啟發妻

劉氏李來元妻 盧氏潘烈一妻 鄔氏劉有貴妻

豐城縣志

卷之二十二

烈婦

十九

徐氏鄔定策妻 傅氏鄔周一妻 徐氏鄔朝九妻

鄔氏劉質之妻 氏鄔興二妻 周氏李昭道妻

羅氏屈承宣妻 朱氏羅洪二妻 謝氏黃洪吉妻

王氏周德五妻 謝氏周森五妻 羅氏黃丹杖妻

黃氏余 妻 龔氏譚宋宗妻 劉氏饒熙君妻

劉氏饒 妻 聶氏馮傑孝妻 過氏呂克瑤妻

藍氏黃定蔚妻 傅氏唐眾七妻 饒氏唐顯聖妻

鄔氏唐德華妻 盛氏呂紹璜妻 熊氏藍 妻

金氏呂紹賢妻 謝氏朱發明妻 胡氏涂仁二妻

熊氏涂信二妻 左氏涂崑才妻 丁氏金德仁妻



金氏李紹堅妻 吳氏李培映妻 朱氏涂愛亭妻

金氏鄒達三妻 鄒氏盧妻 鄒氏傅彬瑞妻

鄒氏傅煌添妻 李氏鄒煥五妻 鄒氏葛祿五妻

涂氏葛博五妻 夏氏葛博吉妻 熊氏葛博墻妻

魏氏葛廣東妻 涂氏葛廣勳妻 金氏吳惟禮妻

鄒氏夏承洪妻 金氏吳祖彬妻 余氏吳祖森妻

凌氏夏可七妻 凌氏夏承後妻 熊氏夏承慶妻

夏氏熊景山妻 吳氏陳緒章妻 夏氏陳緒陞妻

吳氏譚晉榮妻 周氏戴成十妻 夏氏袁妻

張氏金聲振庶母 熊氏金咸一母 金氏嵇仁琮妻

豐城縣志 卷之二十二 烈婦 二十

以上俱 旌卹

王氏熊陽龍妻 呂氏熊光明妻 何氏熊光賢妻

呂氏熊先八妻 夏氏王國榮妻 崔氏徐姤元妻

熊氏朱禮成妻 熊氏楊清九妻 李氏楊漢坤妻

吳氏楊廣拔妻 鄒氏楊永科妻 陳氏楊維義妻

杜氏羅克熙妻 聶氏羅亨通妻 于氏聶福六妻

李氏徐青八妻 聶氏張彩雲妻 徐氏熊達達妻

熊氏羅允敏妻 漆氏羅允青妻 楊氏羅德章妻

楊氏王世蛟妻 李氏張欽八妻 葛氏張瑞苗妻

熊氏曾上九妻 黃氏熊文十母 康氏蔣開峯妻



徐氏曾克明妻 丁氏黃 妻 黃氏王淑三妻

李氏徐華三妻 羅氏徐尙杰妻 周氏熊仲十妻

衛氏熊文九妻 任氏傅文星妻 席氏徐而煊妻

徐氏周宣芳妻 盧氏徐隆三妻 李氏陳麗生妻

李氏熊 妻 潘氏楊金誥妾 楊氏熊善萬妻

李氏吳泰習妻 章氏朱家駙妻 吳氏朱家駮妻

李氏朱家驕妻 范氏朱家驊妻 陳氏朱家驪妻

劉氏朱家駙妻 余氏朱家駟妻 甘氏朱家駝妻

鄧氏朱禮聯妻 周氏王颺壽妻 范氏鄒勤六妻

張氏鄒方八妻 王氏鄒德七妻 裴氏鄒屬八妻

豐城縣志 卷之二十二 烈婦 二十一

氏鄒坤一妻 楊氏李茂仁妻 饒氏李堯春妻

倪氏李秉秋妻 曾氏李秉緒妻 傅氏李公發妻

陳氏李良元妻 余氏徐正萬妻 吳氏溫辨一妻

王氏蔡孟八妻 楊氏曾柏齡妻 劉氏涂源懋妻

吳氏朱憲環妻 李氏朱祥六妻 涂氏朱鳴一妻

王氏夏 妻 鄔氏劉喜茂妻 甘氏劉辰芳妻

傅氏吳有二妻 朱氏周平二妻 張氏熊福章妻

楊氏熊興和妻 熊氏楊周德妻 李氏謝濟廷妻

毛氏甘芳旭妻 李氏熊元瑞妻 劉氏唐倫宦妻

聶氏張觀猛妻 曹氏楊淮之妻 熊氏李律己妻



曾氏游嚮九妻 吳氏游睽二妻 蔣氏游照九妻

聶氏羅向七妻 鄒氏傅貴茂妻 黃氏蔣聯城妻

以上俱咸豐年間髮逆竄擾赴水投繯被戕死節者  
補遺

國朝

王氏一坊圭湖熊梅信妻咸豐十一年辛酉髮逆犯境婦  
遠避中途遇賊欲汚之以刀加其項氏曰容妾緩死於  
道路間得與吾姑一面死且無悔賊勿聽強脅之不從  
氏罵賊并欲奪其手刃轉刺之賊怒斫其臂肋至腰血  
塗地屍卧荒墟時七月十八日也賊退殞之容貌如生

豐城縣志

卷之二十二

烈婦

二十二

七創可數人皆慟之

羅氏沙湖儒童丁方輝妻輝因力學遭疾革時睨其妻氏  
執夫手泣曰君無慮妾隨從地下矣目瞑喪葬盡禮七  
期滿夜分沐浴更衣自手密紉投繯而死



節婦

宋

余氏王德甫妻王以訟傾家窶甚有怨語余止之曰自取何尤王令其嫁余泣曰婦歸時家非不裕至此命也温飽而留窶而去乎紡績供薪米夫死孀居二十年行未嘗出閩咸涓間權縣事危順吉卽其里立節婦坊筠陽陳仲微作傳

元

范氏劉應震妻應震得心疾合昏夕疾作不能成禮未幾卒服除母欲令改適不許母曰未醮非改節也對曰名在劉氏家廟夫以疾廢姑在誰養去之不可姑歿復有以爲請者誓死不易居五十年以終

明

萬氏林全禮妻禮任江陰衛百戶從征溺死氏年二十四遺腹生女誓不他適孝養其姑洪武二十四年題表

熊氏王伯崇妻年二十歸伯崇越七載夫亡遺孤甫二歲家貧誓死不二洪武二十四年題表

頓氏胡彥文妻彥贅其家未三日以父疾歸父歿彥文暴卒頓號慟幾絕歸治喪養姑盡孝孀居五十三載天順七年題表



孫氏楂村范頤妻府志作范頤博士貞女年二十二頤卒孀居

以夫兄子為嗣正統十年題表

傅氏夏希武妻年十六歸希武踰年夫卒撫遺腹孤成立

成化間題表

孫氏任夔妻年十八守志成化間題表

林氏湖茫李與鎬妻副使獻媳歸二載生子萬平鎬卒族

豪利所有百計螫之林屬萬平育外氏身撻其鋒豪見

林志難奪夜執梃毆之中額血被面走就繼姑徐氏得

免徐亦以年二十五孀居相依守節教子俱有成孫逢

遂相繼登科題表其門後贈太夫人

豐城縣志

卷之二十二 節婦

徐氏吳祺繼妻祺北上徐與偕至大江祺墮水徐躍入救

頃抱以出祺已死奉櫬還風烈舟幾覆徐哀哭籲天乃

定祺有妾張氏李氏李無出張哺一孩徐語二妾曰爾

二人願守與否各言所志張李泣曰願相依茹荼服縞

共撫其孤以終事聞旌表

范氏東禪巷丁紳妻年十九夫歿守節終宏治間題旌

熊氏旗塘胡寧固妻年十九夫歿矢志不二宏治間題表

王氏李銘妻銘卒年二十四歲誓不二天宏治間題旌

劉氏黃克傑妻年十九夫歿撫遺腹子守志正德間題表

吳氏黃季遜妻遜卒吳年二十八撫孤守志正德間題表



游氏攸洛黃一清妻學副游明孫女年二十三夫歿完貞  
嘉靖間題表

李氏經歷高枝妻年十八枝卒於京李不食七日姑慰曰  
殉夫孰若撫孤飲泣從之家貧紡績自給訓孤遊庠邑  
罹火比隣環燒獨留其室人咸謂有天相有司上其事  
表廬曰貞節

雷氏諸生黃聽妻尙書禮之女甫笄適聽聽疾革以子幼  
爲恨雷嚙指訣曰幸承家君餘訓獲事君子從一而終  
分也懷中呱呱者妾願以身任鞠育聽卒戢影深閨日  
觀列女傳稱說古孝義事勗孤汝佐遊邑庠韓御史疏

豐城縣志

卷之二十二 節婦

三

聞建坊

李氏諸生黃栗妻貳守縉女栗早慧有聲場屋卒時氏年  
二十二遺孤方襁褓姑盲李朝夕祝天躬爲拭濯目復  
明巡撫曹巡按賈題請建坊

雷氏郡倅述女荷塘黃廷瀆妻夫亡守節邑尹詳請坊表  
賴氏指揮楊郡妻尙書廉孫媳早寡撫三孤並列衣冠邑  
尹申請題表

熊氏湖茫李度妻尙書璣媳年十九夫亡自縊柩側姑覺  
救免母家強諭改節熊矢死無他邑尹李廉實申請建  
坊



鄔氏杜用和妻用和苦學邁疾卒鄔年十八剪髮自誓課子成立萬厯間申請題表

熊氏儒士黃如鯨妻年十七夫歿撫遺腹孤勤紡織教之學事姑尤以孝稱萬厯間詳請表門

雷氏蔣汝璉妻璉歿撫妾遺腹子承夫祀巡按曹題表

鄒氏袁習廣妻徐氏周咨謀妻彭氏熊景著妻袁氏瓘山

熊懷璉妻丁氏熊煥妻聶氏楊源滔妻胡氏龔大邦妻

張氏胡祥玉妻袁氏瓘山熊煥妻

以上九人無傳成化年間旌

周氏陳定綱妻熊氏夏才兮妻范氏李聰妻孫氏范用志

妻胡氏管澄清妻吳氏劉瓊妻孫氏游世炎妻聶氏熊

豐城縣志

卷之二十二

節婦

四

沛妻

以上八人宏治年間旌

胡氏甘棠涂曰璉妻年十九璉卒母欲奪其志卽剪髮斷指自誓邑尹上其事督學蔡清表之

丁氏南湖李廷和妻年二十一夫以力學致鱣疾舉一子方彌月疾劇竟不起氏枕尸慟哭四晝夜勺水不入妯娒環守翁姑曉以大義乃嘆曰殉夫死分也成夫志亦分也卽起乳孤截髮毀容不輕言笑及子登仕版舉冢孫始一解顏曰吾乃今可以謝九泉人矣疾革謂其子曰葬我必爾父側毋他覓也語畢遂瞑邑尹上其事巡按趙給粟帛題表巡撫邊區其門曰矢志靡他



熊氏五都葛旭妻李大尹表其廬

胡氏熊廷佐妻年二十夫歿苦節自堅終年七十七邑尹上其事徐周二巡按匾獎

彭氏陸永真妻通判陶匾獎

袁氏丁應復妻年二十夫歿無子矢志完貞終年八十一邑尹上其事給米絹獎以金石貞操

呂氏丁榮妻早歿呂勵志守節巡撫汪請賜粟帛

熊氏南湖李廷言妻年十七于歸結縭甫八月廷言歿氏觸棺大慟誓不獨生孀姑飲泣慰之曰婦人不幸失所天從死非難昌後爲難爾幸有孕倘生男得延一綫則

豐城縣志

卷之二十二 節婦

五

爾功大矣徒死何益氏立起未幾舉一子家赤貧養老撫孤悉憑十指姑歿棺衾含斂中度孤成立弱冠蜚聲黌序爲名諸生萬曆六年邑尹上其事巡按陳題請歲給米絹獎以柏舟砥節

孫氏庶吉士徐懋昭妻懋昭卒於官孫年甫二十遺腹生子仁以苦節終

胡氏庶吉士黃璫妻適璫甫二載生子張璫卒於官胡自京扶櫬還家貧紡績日用以苦節終

熊氏瞿塘潘濡妻侍郎懷之女濡以溺死熊破鏡矢志半藏濡棺半以自隨年八十二卒嗣子煌從遺命納其半



鏡於棺

常氏吳橋縣女李與祿妻歸李歲餘與祿卒遺腹生男將扶櫬歸父母留不遣常泣曰吾留將置此兒何所以死爲誓遂得歸茹苦完節

黃氏游璣妻年二十守貞至九十一而終

萬氏黃烜妻年十九烜歿姑憐其少微諷之艷然曰長可守少不可守乎他日得繼嗣吾事畢矣遂撫姪爲後以完節稱

于氏蔣時聚妻年二十孀居苦守五十餘年邑紳詩以紀之

豐城縣志

卷之二十二 節婦

六

武氏蔣家樓蔣曰憲妻憲早卒父母舅姑以武少欲奪其志武曰舅姑老婦去誰爲事者後勸姑爲舅納妾生子曰隆妾旋亡武撫育之長婚娶生子未五載所娶亡繼娶繆氏曰隆又亡武偕繆氏堅守撫其孤卒年六十九羅氏金桂妻歸金甫歲餘生子星桂以掾考候選卒於京羅年二十餘挈數歲孤至京昇夫柩歸藁葬省申公庵側地後爲豪家奪羅復收骨祔祖兆日以十指營生訓其子成名年八十三卒星官東安知縣

李氏毛欽若妻熊氏甘楨妻熊氏楊楠妻蔣氏呂騏妻鄭氏李繡妻徐氏陳朝妻黃氏杜阜妻潘氏范正端妻李



氏劉漚妻劉氏孫鏗妻潘氏袁騏妻涂氏李運二妻喻  
氏劉仲高妻鄒氏甘正華妻關氏袁伯乾妻丁氏諸生  
孫鑰妻黃氏城南范世達妻劉氏諸生黃可捷妻林氏  
袁光冕妻以上十九人皆芳齡矢志各上臺旌獎其門

熊氏南湖李仲止妻年三十守貞松操柏節後嗣蕃昌

王氏南湖李廷鯨妻年二十五夫歿子應聘四歲應聘娶  
游氏補增甫二載遂疾卒子世臺六齡游年二十九姑  
時家尙饒而游值明季寇亂家一空會族有侵耗天庾  
米數千石者毀家莫能償羽檄頻催令患之飭族均輸  
奸人乘機欺游孤寡視他戶爲倍卒能使子爲通儒縉  
紳子弟悉從之

豐城縣志

卷之二十二

節婦

七

國朝

皮氏孫國忠妻年二十八夫歿貧苦撫孤巡按王志佐題  
請建坊歲給粟帛

李氏范永祺妻永祺初病李願以身代歿矢志植孤勤緝  
績爲教養貧巡撫張朝璘題請建坊

熊氏湖茫諸生李燾妻年二十四而寡遺腹一女矢志守  
節康熙六十一年題准建坊

楊氏城南黃承芳妻年二十七夫歿殮葬畢自縊家人救  
免母氏欲奪其志遂終身不歸寧申寅避亂山莊夜夢



人告曰賊至速去楊呼老僕婦抱幼子匿煤井中得免  
壽至八十一雍正四年題准建坊

任氏東坑魏邦遴妻年二十一夫歿撫遺腹孤守節年九  
十三雍正四年題准建坊

王氏隴城林欲華妻年二十一夫歿守節三十四年性好  
施予周貧乏歲癸巳邑大水村廬淹沒王出紡績資易  
谷賑飢雍正四年題准建坊

雷氏教授鉞之女仙音巷陸濬濂妻歸陸數載夫死矢志  
撫遺孤雍正十一年題准建坊

丁氏大夫橋揭鎮妻早寡矢志雍正年間題准建坊

豐城縣志

卷之二十二 節婦

八

熊氏衢塘潘非諒妻年二十三夫歿乾隆元年題准建坊  
余氏邑郭甘城妻苦節撫孤乾隆元年題准建坊

楊氏仙音巷陸宗道妻宗道歿楊年二十三孤方四歲翁  
姑年近耄楊慈孝兼至子稍長出紡績餘資泣付日爾  
父讀書賞志歿以此付爾廣生積立祠廟賀祭田他日  
不缺歲時享祀卽乃父地下可無憾矣丁卯元旦呼子

媳詔家事畢端坐逝年六十九乾隆元年題准建坊

張氏烏石周惟正妻年二十六惟正卧病張夜分輒焚香  
籲天願以身代衣不解帶數月及歿矢志守貞里人罕  
見其面乾隆二年題准建坊



宋氏瓘山熊明達妻順治乙酉寇亂夫及舅姑咸罹難余  
年二十二攜子匿溝中寇退乃出家殲八人氏拮据殯  
殮撫孤辛苦備嘗歷六十一年卒乾隆三年題准建坊  
徐氏北湖丁朝印妻年十八生子劭湘甫兩月夫歿守節  
乾隆三年題准建坊媳楊氏劭湘妻年二十二劭湘歿  
剪髮置夫棺誓與姑同守撫遺孤成瑞娶妻楊氏年十  
九成瑞殤氏撫姪爲嗣一門苦節三世孀居  
任氏萬伯薰妻青年守志撫孤成立乾隆三年題准建坊  
楊氏江都丞朱煥妻乾隆三年題准建坊

徐氏香爐坑葉錫宗妻年二十七守志乾隆三年題准建

豐城縣志

卷之二十二

節婦

九

坊

張氏生員何岳妻夫歿事姑章十指供給乾隆三年題准  
建坊

聶氏大井頭余欽爵妻年二十二而寡一子方三月氏勵  
志撫育數十年勤勞操作備極艱辛乾隆四年題准建

坊

諶氏太平巷 例贈知縣楊肇龍妻龍卒諶撫遺孤國慶  
備極艱辛慶性孝事母廿餘載諶卒慶以哀死媳丁氏  
進士知縣丁序珙孫女痛姑苦節囑子其謨籲請

旌表時學使林枝春署撫軍彭家屏會疏題



旌閱事實中語併知其母丁氏至性貞心不可泯沒林復題  
嗣徽賢孝表其閭諶氏孫其謨繼妻周氏殉難參戎周  
尙功孫女其謨宰保定以勞瘁卒氏欲死殉念夫柩遠  
在四千里外季孤尙襁褓乃節哀拮据喪事扶柩南歸  
苦節與姑及祖姑等時稱三世節孝子念槐山東闡官  
念庭効力河工道南拔貢卽選州判

李氏苦竹游洪甲妻歸一載洪甲卒李年二十投繯絕粒  
者數次以有娠不果死及舉子繼斌誨育兼至爲名諸  
生冢孫方震成進士皆李督課義方之力乾隆四年題  
准建坊後贈七品太孺人

豐城縣志

卷之二十二

節婦

十

甘氏苦竹游煥章妻年二十餘夫歿家貧子弱翁姑老甘  
克盡婦職養生送死所需半出女紅乾隆四年題准建  
坊

鄭氏清邑解元嶽壽孫女湖北諸生熊偉妻年二十八喪  
夫痛欲身殉姑曰予衰朽汝欲殉夫藐孤僅二齡予能  
代撫乎鄭乃不死越數載姑歿喪葬如禮逢姑暨夫忌  
日必衣縞素設奠哀泣乾隆四年題准建坊

崔氏邑郭匡懋賢妻夫歿子幼教養備至乾隆四年題准  
建坊

毛氏職貢毛沈女三坊羅興元妻夫歿親老子幼仰事俯



育一身肩之乾隆五年題准建坊

郭氏滄溪諸生龔珩妻媳甘氏定遠妻父子早逝姑媳苦節一心乾隆六年坊表雙節

陸氏教諭伯威女邑郭大街廿日焜妻年二十七而寡家貧日督諸孤讀書泣諭曰爾父早世期爾輩成立以紹先志吾願慰矣乾隆六年題准建坊子唐誨師盤以學行著孫興仁雍正甲辰舉人

魏氏三坊鄒維秀妻年二十八而寡秀病篤氏號天願以身代夫歿守志足不踰閭竭力奉姑姑年踰九十卒乾隆六年題准建坊

豐城縣志

卷之二十二

節婦

十一

鄒氏舉人黃甲俊妻年二十三夫歿遺孤方五歲矢志守節事翁姑視夫存更摯巡撫舒具題建坊

鄭氏周光葉妻青年守忠事姑盡孝訓子有方乾隆六年題准建坊

揭氏陳愈藩妻夫歿守志植孤克紹前徽乾隆六年題准建坊

熊氏游家山游洪蘭妻洪蘭歿氏年二十八姑老子幼家赤貧得米麩取精者奉姑姑餘餉子己以糠麩作餅度日姑卒棺衾祭葬皆竭力盡禮乾隆七年題准建坊

何氏嶠湖徐之軻妻年二十四痛夫力學成疾卒絕粒數



日舅姑諭曰汝夫歿時以老親稚子見屬汝死我二人與八月孤誰爲事育汝可戕生而負夫託耶何乃起進食後以孝慈聞乾隆七年題准建坊

劉氏篠塘李敬妻年二十三夫歿遺二孤上有祖姑翁姑家貧甚鬻奩貨繼以紡績爲事育計十指皆枯長子福齡甫七歲能讀父書氏以慈代嚴鼓勵不倦爲名諸生乾隆七年題准建坊

褚氏邑鄂熊大秀妻夫歿矢志撫孤乾隆八年題准建坊  
蔣氏橋頭袁應楫妻年二十餘夫歿一子甫四齡鞠育周至事舅姑以孝稱袁故有軍差十年遞換應運津貼雖

豐城縣志

卷之二十二 節婦

十二

寡孤兒不可免蔣經紀其貲應付無誤視諸堂姪爲己子悉爲畢婚守節五十載乾隆九年題准建坊

胡氏密嶺熊元宦妻年二十七夫故奉姑盡孝撫二孤慈嚴並至終身不茹葷先是同鄉有貸夫銀者計鬻妻以償胡聞還其券夫柩在堂隣失火幾及柩所胡撫棺哀籲風頓返火熄乾隆十年題准建坊

陸氏東城涂山蕢妻年二十四夫歿觸棺破顱勺水不入口者五日親屬勸以嫡庶三姑在堂二子幼弱一身負荷匪輕乃強起節哀順事嫡姑與兩庶姑養葬悉如禮嗣以幼子天哭幾喪明家政仍支持不倦苦節垂五十



年巡撫舒題請建坊

李氏艾岡諸生劉文漢妻青年喪夫撫孤成立乾隆十年  
題准建坊

傅氏四坊周廷相妻夫歿事老姑植孤子乾隆十年題准  
建坊

鄧氏羅舍周永聖妻乾隆十三年題准建坊

胡氏篠塘李榕妻夫死守志孝事翁姑慈撫孤子貞操推  
重鄉鄰乾隆十四年題准建坊

劉氏塘栗山鄔汝權妻青年矢志白首無瑕乾隆十四年  
題准建坊

豐城縣志

卷之二十二

節婦

十三

江氏揭源里揭朋妻生子三月夫歿江年二十六常飲泣  
慰姑恐觸姑傷姑歿鬻奩貲昇翁暨夫柩次第葬之每  
以力學厚道訓子孫乾隆十四年題准建坊

李氏揭陽知縣景運女年十八歸義井孫志學明年舉一  
子夫歿誓不獨生舅姑以死節易撫孤難曉之始強起  
事舅姑以孝敬聞撫遺孤成立乾隆十六年題准建坊  
甘氏門樓黃源妻年二十一夫歿無子舅姑憐其少諭其  
母勸改醮氏誓死不往母家貞靜自守以完節終題請

旌表

李氏沙埂周欽禮妻生員洪庠之母黃氏橫岡徐方興妻



熊氏楊紹慶妻楊氏熊亮鶴妻

以上四名府志編在請

旌之列無案可查仍舊附載於此

鄒氏課瑞劉維珍妻乾隆二十年題准建坊

任氏劉以傑妻乾隆二十年題准建坊

徐氏北湖呂鍾珏妻年二十四夫歿姑老子幼家極貧藉

紡績資薪米子成立享大年乾隆二十二年題准建坊

徐氏北湖呂鍾相妻年二十一夫亡遺腹生子閣娶妻張

氏閣歿張年二十五撫一子岱棖娶妻陸氏年二十岱

棖亦歿徐守節三十二年張守節三十五年陸守節二

十六年人稱世節乾隆二十四年題准建坊

豐城縣志

卷之二十三

節婦

十四

周氏故里鄆維康妻讀書識字歸鄆五年夫死課孤讀日

命就傅夜分挑燈親爲講解會修邑志徧閱譜牒見先

世元刑部侍郎至善以剛直忤權相被害前志未與表

彰乃手抄事實命子請立傳其通曉大義有鬚眉所不

及者邑侯滿獎以女中文獻乾隆二十九年題准建坊

潘氏篠塘李誥妻夫死斷髮明志有勸嫁者引刀刺面親

屬咸敬畏之乾隆三十二年題准建坊

余氏隴城林象明妻夫死誓身殉人勸以姑老子幼氏納

其言孝慈愈至乾隆三十四年題准建坊

夏氏袁孔訓妻夫死無子誓死靡他孝事翁姑撫姪爲嗣



乾隆三十六年題准建坊

熊氏流溪牌樓前蕭仕福妻年二十六夫歿子未周月守節五十五年備極艱苦乾隆三十七年題准建坊

聶氏潑塘監生陳漢度妻年二十夫歿撫孤娶媳鄆氏子媳相繼亡撫遺孫之造成立乾隆三十八年題准建坊

熊氏學前李紹宗妻夫歿截髮毀容孝親撫子苦節終身乾隆三十八年題准建坊

徐氏曾日柱妻夫故孝翁姑撫幼子乾隆三十九年題准建坊

涂氏北門唐秉泰妻青年喪夫毀容明志事姑撫孤孝慈兼盡乾隆四十年題准建坊

丁氏范士謨妻夫歿紡績奉親和丸教子乾隆四十二年題准建坊

吳氏石坑雷仕錫妻夫死家貧親垂白子甫晬孤苦零丁清操自勵年九十六卒乾隆四十三年題准建坊

李氏熊揚銓妻乾隆四十五年題准建坊後以孫夢符貴贈恭人

李氏陸躍龍妻夫卒截髮入棺茹荼苦守敬養翁姑撫成稚子乾隆四十六年題准建坊

余氏貢生熊紹魁妻夫卒引刀劃面誓不二天孝敬事親



義方訓子艱苦備嘗貞心彌摯乾隆四十八年題淮建坊

楊氏高橋熊高李妻年十八歸熊夫遭危疾及革時氏截髮誓曰君不幸妾當代君事姑撫孤耳夫目遂瞑姑卧病一載侍奉無稍倦姑歿未葬隣火延柩室氏抱棺號慟願與俱焚風頓返火息鄉人異之撫子娶媳子歿媳繼亡兩孫在襁祿氏又撫之成立孫景經妻徐氏年二十三經歿撫遺腹孤羸而多病徐憂之更立從子鐸爲次子祖姑年七十徐奉養得歡心會病禱於竈神願以己年益之疾頓愈閱九年卒楊乾隆五十四年題淮建

豐城縣志

卷之二十二

節婦

十六

坊徐道光四年題請

旌表

鄆氏板橋頭傅沛桂妻夫歿事舅姑養葬盡禮撫孤子婚教克全乾隆五十四年題淮建坊

熊氏儒童于世啟妻年二十三世啟病革隕涕曰親老子幼奈何氏泣曰殉夫易撫孤難妾請爲其難者夫死事舅姑孝教子成立子大潮例貢生孫九長麟邑增生乾隆五十四年題淮建坊

袁氏篠塘李允剛妻年二十歸李夫力學苦貧袁罄奩貲佐膏火明年舉一子夫病咯血歿姑見袁青年諭以守



節難袁泣對日媳名已在李氏廟况此呱呱者誰託耶  
卒全其志子一孫四曾孫七乾隆五十五年題准建坊  
金氏熊儀森妻年二十六夫歿截髮納棺孝事老姑撫成  
嗣子苦節數十年乾隆六十年題准建坊

熊氏潁溪楊

本姓周

應棟妻年二十四夫歿事姑克孝教子

成名姑九十四歲卒殯葬盡禮乾隆六十年題准建坊

楊氏章添琳妻年二十二夫歿守貞翁老病癱鬻簪珥辦  
醫藥事老姑得歡心撫孤成立乾隆六十年詳請建坊  
毛氏厚郭儒童胡時梅妻年二十四夫歿子甫二歲姑年  
踰七旬毛勵志養姑撫子越二年子天立夫兄子肇儀

豐城縣志

卷之二十二

節婦

十七

爲嗣未幾歿遺孫際纘甫四月氏與媳雷氏撫之成立  
嘉慶元年題准建坊

徐氏岡上儒童王遴妻年十七歸遴遴讀書過勞成瘵歿  
氏年二十一長孤三齡幼在腹翁姑老病氏念一死無  
難如翁姑幼子何遂敬事翁姑教子成立嘉慶四年題  
准建坊

劉氏土點楊尙廣妻尙廣客黔苦成瘵歿氏年二十三  
孤際啟甫晬家赤貧十指操作日一食自爲未亡人至  
白首距母家里許不一過以子職封太安人年八十餘  
歿孫曾皆邑庠嘉慶六年題准建坊



鄧氏黃木窠鄒之碧妻年二十六守志苦節四十五年嘉慶八年詳請建坊

葛氏湖北熊嗣揆妻年二十六守貞訓二子成名卒年六十九邑侯王詳請建坊

譙氏龍霧洲諸生毛廷機妻南昌板湖女年二十歸廷機廷機故進士鳳雛諸孫負異才入泮時以神童稱年未弱冠以疹殤氏絕粒累日姑諭之曰汝夫英年早折志堅同穴固然但上有老翁姑需汝奉餘年且身懷遺孕或可延夫嗣也氏因勉自節制以安長上心迄五月舉子新燦遂代夫盡子職以母兼父道殫心茹苦五十年

豐城縣志

卷之二十二

節婦

十八

嘉慶九年詳請建坊

蔡氏茂溪儒童甘肇魁妻年二十三夫歿號痛觸柱姑諭以立夫兄稚子爲後始進食視事苦節五十一載嘉慶十年詳請建坊

萬氏沙溪儒童周洪瑞妻年二十五夫歿守志子模斗中天遺一孫與媳李氏撫之成立嘉慶十年題准建坊  
丁氏澄源諸生衛正煒妻年二十八夫易簣時深以親老子幼爲恨夫卒丁承夫志孝慈兼盡年九十五卒孫曾皆通顯嘉慶十一年詳請建坊

李氏沙溪周洪鈞妻年二十三守志慈孝兼全嘉慶十一



年詳請建坊

雷氏儒童涂勁妻年二十一夫死一子中天與孀媳相依  
守志後立叔子爲嗣復立嗣子之子爲媳嗣嘉慶十一  
年詳請建坊

汪氏邑鄆監生黃曰山妾夫歿守志訓子成名嘉慶十一  
年詳請建坊

謝氏八坊潭埠儒童鄆曰麟妻年二十夫故矢志撫孤慈  
嚴兼至姑早逝翁老病調護盡誠敬子常駮雍庠邑侯  
張匾獎冰雪清暉同治七年題請 旌表

熊氏四坊儒童范守元妻年二十夫故將身殉因呱呱在

豐城縣志

卷之二十二

節婦

十九

抱乃剪髮納棺誓死不二嘉慶十一年題准建坊

黃氏同造儒童孫光族妻年二十三夫故截髮自誓生子  
金家貧紡績銖積爲教子費溽暑嚴寒督課不懈故金  
得爲名諸生嘉慶十二年題准建坊

楊氏泊濂朱其惟妻年二十七其惟病革曰我死汝青年  
奈何氏泣對曰期同穴耳惟又曰死易吾父母老子幼  
奈何氏又曰君倘不測妾惟從一以終其惟頷之目遂  
瞑氏卒踐遺言年八十四卒嘉慶十二年詳請建坊

陳氏源嶺監生朱光誥妻年十七歸誥氏有隱疾恐不孕  
勸夫置妾楊氏生子雲輅甫周歲楊氏卒氏撫之如己



出年二十九光誥病歿姑老子幼子道父道一身肩之  
嘉慶十二年詳請建坊

蔡氏三坊儒童陳英唐妻年二十七夫故子襟章襟解襟  
艦俱幼堂上病姑蔡拮据心力俱盡襟章聘徐女未娶  
卒徐年十八聞訃趨夫家侍姑共守貞蔡歷五十一載  
徐歷四十四載嘉慶十二年詳請建坊

熊氏四坊生員范志薰妻年二十六夫力學成瘵疾歿氏  
守節三十餘年未嘗一至母家嘉慶十六年題請建坊  
陳氏禾岡李事興妻年二十二守志無子立姪爲嗣教養  
如已出事翁姑以孝聞嘉慶二十一年題准建坊

豐城縣志

卷之二十二 節婦

二十

李氏瓘山儒童熊祥麟妻麟力學暴卒氏年二十一有以  
青年無子勸改適者氏正色曰婦人之義從一而終因  
無子而再醮何面目見亡人於地下也乃撫姪爲嗣杜  
門不出孀居三十一年嘉慶二十二年題請建坊

楊氏南槎橋監生鄒學超妻八歲通女誠年二十九夫歿  
截髮置棺中舅耄且瞽姑亦多病楊朝夕侍奉飲食必  
親進子之瑗國學嘉慶二十三年題請建坊

夏氏松湖國學熊謨妻年二十九夫歿截髮矢志道光元  
年題准建坊

熊氏滕坊金世義妻年二十一夫歿陳氏金世霽妻年二



十夫歿熊無子陳撫遺腹孤成立妯娌孀居節操共勵  
道光二年題准建坊

詹氏四坊上點職員楊際岱妻年二十九夫歿於黔氏撫  
夫兄子泰爲幼多病保愛如己出翁歿寢處嗣必與姑  
偕道光三年題准建坊

孫氏安峯張天賢妻年十八夫歿姑孀病蹇氏扶持不離  
左右立從子承夫祀道光三年題請建坊

管氏七坊儒童屈忠鳳妻年二十四夫患弱疾卒管觸棺  
流血幾斃姑抱孤置氏側抱氏大慟曰十世一孤汝忍  
以一死斬之今日乎氏乃立起撫孤尤以孝稱道光三

豐城縣志

卷之二十二

節婦

二十一

年題准建坊

陸氏花橋徐光宗妻年二十四夫歿遺孤五歲羸弱多病  
姑以宗祀一綫憂成疾陸將順其志撫養盡瘁姑疾竟  
瘳道光三年題請建坊

曾氏 孝弟坊大塘毛體端妻年二十七夫歿於湖南嘉  
禾縣遺孤洪順年甫週及長曾命往嘉禾收父骸道病  
卒父子俱藁葬外地耗聞洪順妻蔡氏時年二十四適  
臨暮幾絕姑諭曰毛氏十三世賴此孤吾老矣婦死誰  
撫之因起乳子家無宿糧婦姑紡績爲生無何孤病沒  
蔡又與孀媳曾撫二孫苦守廢椽支草舍三旬九食貧



病交迫隣里憐之道光三年禮部行查請

旌

李氏銅湖南谿余景曙妻年二十五夫歿於楚哀慟濱死鄰婦勸他適叱曰從一而終義也況我舅姑素以孝聞我豈忍貽門戶羞勵志撫孤慎出入勤紡績未三十髮盡白道光三年題准建坊

饒氏孝弟坊大塘職貢毛沆繼妻年二十八夫歿道光三年禮部行查請

旌

潘氏六坊監生李廷佐繼妻年二十六守貞奉姑孝撫前

豐城縣志

卷之二十二

節婦

二十二

孤成立訓有義方道光四年題請建坊

楊氏一坊高橋熊運璉妻青年矢志守節二十餘年道光六年題准建坊

李氏邑郭大街甘崇源妻夫歿守志家故貧子甫四齡紡績度日遇不給母家間資飲之人稱苦節道光八年題准建坊

張氏店里王賢邦妻年十二自蜀歸及笄歸王氏家世青箱井臼之餘紡磚伴讀子一祖蘭尊章甚愛之氏鞠育勿違其意一日夫咯血求醫和緩昕夕視藥鏘終不起夫歿年十八氏年二十親屬有無賴者反藉此生心攘



奪氏以孀髮盤錯靖驀地風波亦曰未亡人煢煢在疚  
何計鹽鏐與親屬詬厲乎尊章歿終喪盡制課子延師  
一稟階伯甫不輟和九祖蘭登賢書孫枝林立學使張  
以懷清履潔匾獎之道光三十年題准 旌表

黃氏橫山下坊鄒師佐妻自歸鄒尊章娣姒咸稱賢婦諸  
姑貧者尤善調劑勿貽堂上憂無奈尊章卒夫亦相繼  
歿以未亡人作持門婦冰霜勵志中無憂叢脞而一門  
雍肅十餘年無詬誶聲鄰婦效之勃溪皆化卒年六十  
二道光三十年題准建坊

謝氏橫山下坊鄒立賢妻夫病刀圭弗效禱於神請以身

豐城縣志

卷之二十二

節婦

二十三

代卒不起氏捨地呼天欲自盡因念遺孤誰撫迺封髮  
誓杜門居悉心鞠育亟望成人而蘊結憂傷終不自己  
旋病卒道光三十年題旌建坊

丁氏南湖李紹寶繼妻年二十九夫歿子培本三齡有小  
姑一女三未暮夫弟因艱食析箸時六口待哺氏以紡  
績督姑女資生活子稍長就外傅氏篝燈織紵常督夜  
課泣謂曰吾忍飢耐寒日夕不遑者爲汝耳汝不發憤  
吾終窮矣凡脩金及姑女妝奩悉出十指刻苦銖積漸  
小康置東關外早田十八工一角價二百四十緡捐於  
學名堂伙辦考公費咸豐四年縣尹上其事題表同治



七年彙登總坊從祀節烈祠子培本增貢孫時蕃國學  
曾孫二長應童試有聲

袁氏 贈奉政大夫李靄妻性貞淑崇節儉年十七適李  
事舅姑甚謹二十夫歿痛極死而復甦者再然恐傷舅  
姑心無以續夫嗣抱養夫弟閻子增籌督課備至以抵  
有成指捐湖田知縣加同知銜封宜人咸豐四年請旌  
甘氏 贈奉政大夫李閻妻封職達周女也年二十六夫  
歿痛極不欲生獨念長子增籌僅六歲既承夫兄祀次  
增華甫十九日兩家似續責專一身倘死何以對泉下  
必使未亡人事翁姑如子職撫襁褓以成人始無愧耳

豐城縣志

卷之二十二

節婦

二十四

後以出繼子增籌封宜人咸豐四年彙 旌

袁氏篠塘李詵妻年十七歸李適夫病篤強起行合卺禮  
氏昕夕侍湯藥三月竟不起氏哀痛欲殉翁姑泣止之  
以夫兄謙子增美爲嗣遂戡影深閨恪修婦職年二十  
七卒咸豐元年學使張以全貞搖嫩匾獎之子增美邑  
庠諸孫濟濟人以爲貞節之報咸豐八年彙 旌

蔣氏二坊窰裡盧炳端妻年二十守貞道光乙未學憲張  
給予苦節榮名匾咸豐四年彙 旌

涂氏仙音巷陸光斗妻年二十九夫歿家甚窘女紅度日  
撫孤成立數十年霜鬢白首苦節以終咸豐八年彙



旌

丁氏仙音巷陸際洲妻年二十七夫歿家徒壁立紡織營生含辛茹苦四十餘年歿後無嗣咸豐八年族人醵金題請建坊

曾氏上點封職楊嘉妻性樸不事鉛華與側室朱氏皆盡婦職無間言夫死家頗裕遇貧苦施與無吝族人德之終身冰霜共凜匿跡孤帷親屬亦罕見其面咸豐八年題請雙旌嗣孫昌林業儒

丁氏仙音巷州同陸運梁妻年二十七夫歿守貞敬翁姑撫子成立子際元浙江長林場鹽大使孫昌經縣丞昌

豐城縣志

卷之二十二

節婦

二十五

綸國學以子職封宜人咸豐八年彙旌

李氏口前生員周景岱妻饒州府教授恭元三女也年十八歸周事翁姑惟謹理家政有條年三十景岱卒撫子運煥娶媳蔡氏年二十七運煥又沒蔡有孕三月欲自盡李泣止之曰宗嗣絕續係汝一身毋輕生爲也閱數月蔡舉男李死蔡殮葬盡禮撫孤成立抱孫焉李得年五十九蔡得年六十三咸豐八年題表雙節

丁氏東門萬介興妻年二十一守貞敬事翁姑撫孤成立操持嚴潔歷六十載不渝子光國雍庠咸豐八年彙

旌



徐氏黃埠腦職員張劬偉妻幼遵姆教勤女紅年十九歸  
劬偉善事繼姑和妯娌撫諸姪如子夫客死氏聞耗欲  
身殉姑諭以亡靈未妥未可輕生氏立起操作柩歸喪  
葬如禮久之鄰婦有以家貧誘改適者氏泣曰未亡人  
飲冰茹蘗命也敢貳其心乎卒奉母撫孤克全慈孝年  
七十五卒學使張以懷清履潔匾獎之咸豐八年彙建  
總坊子誠增貢有學行孫馨雍庠

喻氏一坊高橋諸生熊鐸妻讀書曉大義于歸越歲夫歿  
遺腹生子彬文教養成立學使單以就義全貞獎之咸  
豐十年彙旌

豐城縣志

卷之二十二

節婦

二十六

黃氏邑郭陸運松妻年十八夫客貿黔陽病故氏聞訃哀  
悼矢志守貞生平勤勞紡織儉僕自持喜談陰騭日念  
感應篇陰騭文覺世大士等經病劇若有神默護者病  
立痊咸豐十年彙旌

徐氏大夫第楊懋見妻性貞淑素嫻女誡年二十八夫歿  
子暄甫四齡堂上孀姑垂白氏飲泣慰姑克全孝養課  
子每五夜一燈手經指緯令暄捧卷機旁書聲相答人  
以暄膺鄉薦多秉賢母之教云咸豐十年彙旌

甘氏九坊金作孚妻年二十六矢志守貞臻上壽鄰失火  
將及氏居風忽反獲免人以爲貞節之報云咸豐十年



彙旌

曾氏二坊李勝周妻年二十四守貞事姑孝教子嚴子死  
同媳孀居咸豐十年彙旌

曾氏梅岡李林錦妻年二十六守貞嫻內則孝翁姑諧妯  
娒勤織紝數十年性如介石子錫疇州同咸豐十年彙

旌

丁氏鶴村國學杜元繼妻德興教諭念然少女也四歲授  
葩經成誦十歲能詩咏梅云經過一番霜雪後拈來色  
色是真香望月句云清白影常留父見之謂曰香纓兒  
作此清絕語耶年十九爲元繼室元愛琴耽詩互相唱

豐城縣志

卷之二十二

節婦

二十七

和詠菊詩君憐秋色淡妾愛晚香清佳句也而詩識兆  
焉元未幾病卒氏年二十一原配子甫三歲氏憑棺號  
絕踰時甦念孀姑在堂縶兒在抱立起以事姑撫孤爲  
重逾年孤殤姑又沒以夫弟子鏞爲嗣保抱如已出稍  
長誨之章句皆口授出就外傳勗以詩云爲學如航星  
宿海幾人撐得到中間乾隆乙巳鄭尹樞聞而賢之諭

鏞請

旌白諸母母曰未亡人守節分耳毋請宰益賢之年八十四  
同堂四世著有詩草高尹以本有明月行題贈均選入  
藝文同治七年張尹上其事彙題請旌



熊氏邑郭隍巷文壇妻幼誦詩明大義夫歿甘貧守節遺孤銓甫離襁祿氏以織紵資撫養銓成立娶匡氏舉一孫未幾銓亦卒熊謂匡曰飲水茹蘖苦節良難汝盍早自計匡跪泣曰媳自知姑無慮也瑤池有雪古井無波媳願與姑白首共矢洎娶媳抱孫匡亦垂老矣熊喜曰吾家累葉清門汝復始終如一吾甚慰焉前言特相激耳熊與匡姑媳均享高年孫炳漢舉人泰和教諭曾孫輝喬附貢元孫學韓邑廩生成謂兩世清節之報同治七年彙 旌

熊氏卿塘儒童周繼芳妻年十九夫應童試未售憤鬱而

豐城縣志

卷之二十二

節婦

二十八

卒遺腹子曰輝娶媳李氏舉一孫洪夢未幾曰輝又歿時老姑在堂熊痛夫痛子憂咽悲傷恐貽老姑憂偕媳李氏每抱紉兒洪夢以娛悅之邑人士贈以詩云一門雙節孝後代幾兒孫元孫祐郡庠蓮邑廩蔡國學同治七年彙 旌

袁氏南湖李紹宗妻年二十七夫歿子女俱幼矢志守節性貞淑不出閨闈自歸李母女家僅一往還而已同治七年彙 旌

謝氏橫山下坊鄒師偈妻幼入門合卺後夫歿翁以家貧欲其改適氏自誓之死靡他惟磨勵孀帷茹苦食藜以



終同治七年彙

旌

丁氏南湖職員李曰松妻夫歿守志事翁姑克孝處妯娌

咸和訓子孫有方好施與無吝同治七年彙

旌

鄒氏金坊金安晏妻年二十一夫死欲身殉念孀姑垂邁

藐孤在懷強起勤紡績佐饘粥嘉慶十一年詳請建坊

唐氏三坊蔡廷新妻青年守志白首完貞事姑盡孝訓孤

子有成同治七年彙 旌

毛氏五坊上宅李志綵妻年二十七夫歿誓不再適撫二

孤成立同治七年彙 旌

李氏厚郭胡際祥妻贈公之實四女也年十七歸胡家貧

豐城縣志

卷之二十二

節婦

二十九

甚謹修閭閻年二十七子福生僅七齡夫歿痛幾絕自

誓曰妾死何益當爲泉下人撫此孤耳遂輟泣起操作

悉心鞠育子長習藝浦城髮逆竄擾城陷被擄氏聞憂

鬱成蠱疾紡織猶不懈閱四年子歸氏始卒同治七年

彙 旌

劉氏袁坊廩生袁成均繼室年二十三子徹甫六齡夫疾

章謂氏曰吾兩娶始獲子今累爾勉爲歐母氏承夫志

徹廢學泣述遺囑痛答之現列邑庠同治七年彙 旌

涂氏篠塘議敘八品李環照妻年二十四夫歿遺腹生子

秉燭教養備至同治七年由部請 旌



周氏雲嶺屯溪王緒庭妻年二十六矢志撫孤巾幗中有  
丈夫風曩居楚湘舅與夫久客相繼歿氏霜鬢抱痛檢  
行囊奉兩櫬歸里營葬畢尤恐先芬中斷見祠宇門牆  
及輿梁多圯缺獨力完構又見枌里中亟需賑恤義漿  
仁粟無急不周氏治家兼覽書史夜績令兒誦讀於旁  
每揭明古人意旨弄孫亦口授之僉曰班姬才節又見  
一斑矣以子亮道光己酉拔貢加常博銜贈安人孫萃  
春高安訓導同治七年彙旌

王氏三江口後萬里贈中憲大夫萬光熊妻青年守節撫  
繼子如己出以子啟心貴贈恭人在部請旌

豐城縣志

卷之二十二 節婦

三十

羅氏三江口後萬里國學萬介揆妻守貞四十七年壽七  
十五歲以子光誥職封安人在部請旌

吳氏三江口後萬里儒童萬啟佑妻年二十二守貞以子  
希皋職贈儒人在部請旌

袁氏甘棠北下議敘九品涂維棠妻夫故守貞撫孤成立  
苦節三十餘年在部請旌

夏氏篠塘候選教諭副貢李金萱繼妻 贈通奉大夫夏  
廷松長女也年二十一夫歿貞閨自守足不踰閩者四  
十年撫孤養繼以教有畫荻風立家誠僕媪無敢劇言  
嫻書算家政亦皆就理高門中巾幗丈夫也以子士琦



由邑庠捐光祿寺署正銜封安人年六旬陝甘總督一等恪靖伯贈有勵節受祉額同治年間由部請旌

李氏鶴村杜懷魁妻性伶俐遇事有識年二十八守貞子六齡家中產豐儉適宜一日夫兄懷仁向武生袁某取賃貲被毆殞命氏首發之抵罪咸稱女中丈夫夫同治七年彙

旌

涂氏六坊職員潘鼎貴妻年二十八夫歿勵志永貞克守幽閑之度撫孤成立不改勤儉之常同治七年彙旌

楊氏七里儒童黃兆文妻年二十八夫歿一子應壁氏磨礪孀帷閫政中操不獨男錢女布勅鄰外偏正如澤底

豐城縣志

卷之二十二 節婦

三十一

岡頭氏皆無慮嘗曰吾惟慮應壁讀書不能成名耳壁承訓勵志芸窗升鬢序有過輒鞠脛母前捧杖請加責人謂母節子孝家術肅然鄉鄰俱化焉長孫梓邑庠次秀徵郡庠曾孫輩林立年屆八旬而卒同治七年彙旌

熊氏大塘毛命槐妻青年守節善撫孤垂五十年家貧常不能舉火困苦迄無怨言同治七年彙旌

羅氏伯溪熊夢桂妻年二十九守貞媳龔氏叶瀛妻年二十三守貞孫媳徐氏岐鳴妻年二十六守貞曾孫媳夏氏周榮妻年二十九守貞元孫媳龔氏瑞柏妻年二十



五守貞來孫媳龔氏生員裕妻年二十八守貞一門苦節六世堅操同治七年彙 旌

徐氏甘棠北下儒童涂希潔妻年二十五夫歿矢志苦守撫姪爲嗣在部請 旌

楊氏葉家巷葉有雲妻年二十一夫歿撫孤姑病風痰侍湯藥三年無憊容姪媳熊氏孀居無出母勸改適氏爲立嗣予以田產熊得以節孝終氏力也性仁厚好施濟戚族貧苦典衣周恤又常購丸藥救人疾苦子光明孫傳聲俱國學傳芳舉人大挑教諭同治七年彙 旌

豐城縣志

卷之二十二

節婦

三十二

文氏黃埠腦張友志妻邑庠其炳女也幼讀孝經列女傳諸書俱成誦長益通曉大義適張甫數年友志歿氏始芳齡矢不二天有以微言諷之者峻拒之奉姑撫孤孝慈備至里閭翕然稱之

熊氏仙音巷陸凌宣妻年二十一夫歿遺孤六歲孀姑六旬熊勤紡績資薪米苦節數十年學訓謝以冰霜壽世獎之子希瑀歲貢

范氏河灣何元榮妻年二十九孀居有以家貧勸改醮者泣曰餓死可也失節不可知縣薛表其門曰霜筠媳潔子大海貢生後以孫器貴贈安人

黃氏扶溪余瑞卿妻歸余八載熊夢未兆勸夫納妾張氏



踰年夫歿時黃年二十八張年十九共矢志貞操立從姪  
爲後姪在襁褓撫育成人知縣謝錫袞獎以冰柏雙貞  
雷氏瓘山熊鍾相妻年二十孀居順治初遭時難屢濱於  
死志不少渝乾隆十一年學憲金以節義幽芳獎之

曾氏邑郭甘汾妻于歸時夫已瞽曾善事之年二十七夫  
歿長子三齡幼在姪踰月方生氏養姑撫孤備極辛苦  
守節三十五載知縣朱申文請獎

黃氏邑郭孫殿臣妻年二十八夫死守貞紡績餘貲輒施  
予乾隆七年吉贛大水江多浮屍出貲募撈殮瘞之邑  
尹朱給事足維風區巡撫陳獎以仁心清節

豐城縣志

卷之二十三

節婦

三十三

蕭氏烏柏塘楊子建妻年十九夫死無子夫兄亦死遺子  
二姑時年老妯娌誓約守節坐卧必偕妯娌夢語多亂蕭  
正色責曰汝心動矣何能終志老姑吾養之汝子吾撫  
之盍早自爲計妯娌卒嫁未幾姑遘劇疾幾不起氏割股  
肉作羹進遂霍然愈姑歿葬祭盡禮二孤長以一爲己  
嗣夫與兄俱有後知縣王以錫獎以節孝可風年九十  
餘卒

孫氏栗塘諸生楊照妻照卒氏芳年守節孤患疹幾歿氏  
泣籲天獲甦訓課成名

徐氏南湖熊太和妻年二十夫歿遺腹一女翁姑令改適



矢死不從時夫弟舉一子請立爲嗣抱乳之甘貧茹苦  
事翁姑以孝聞守節六十七年

劉氏苦竹孝子游華甫妻順治二年土寇肆掠華甫囑劉  
携二子偕母匿山澤間寇退返里華甫與父皆遇害劉  
抑痛慰姑營殯二喪時凶荒洊臻村無全烟劉以一女  
子出入濱死之餘卒能終養撫孤網維三世可謂巾幗  
丈夫矣卒年八十又五

游氏瓘山熊明美妻年十九夫亡遺孤甫一歲姑痛子疾  
卒氏鬻粧請醫卒又營葬順治二年流寇躡鄉里歲除  
村民避兵舅年八十五孤六齡氏扶之逃岩石間二日

豐城縣志

卷之二十二 節婦

三十四

不食獲免歸居室焚毀明年大飢數日不能舉火泣貸  
鄰米爲粥奉舅餘瀝及孤自取糠粃和土食舅卒薄田  
一畝鬻以營葬後惟十指作活孤成立舉三孫歿年七  
十六

范氏北門諸生唐金勳繼妻撫前室二女如已出年二十  
餘夫歿遺二孤范節哀終養善體姑心與同寢處數十  
年族黨稱其節孝

范氏橋頭諸生傅宗光妻年二十五夫歿守節甲寅村被  
寇掠抱孤匿煤井免室焚毀投止隣媪草廬中紡績爲  
生壽九十六



李氏袁坊袁秉熾妻媳涂氏孔彪妻孫媳李氏道瑤妻曾  
孫媳劉氏克臯妻初李歸秉熾盜劫其家罄所有李得  
脫翁遇害秉熾身被七創踰年痊生子孔彪甫六歲秉  
熾歿李年二十七已乃爲孔彪娶涂氏生子道瑤孔彪  
又歿涂時年二十八李恐其異志指道瑤謂曰此呱呱  
者養之教之甯苦我一人勿以累汝涂泣然曰媳願相  
依請以死誓李意遂釋李有同族女適道瑤爲妻道瑤  
嗜飲李每戒曰酒多傷生子忘雙寡垂白在堂耶不聽  
竟戕於酒生子克臯方襁褓羸而多病幾死者數李與  
二姑日禱於神克臯長娶劉氏產一子疾革時囑其妻  
鄉黨稱爲世節

曾氏沙湖丁仕炳妾仕炳歿曾年二十二有姪矣嫡熊氏  
年三十有親屬利其遺業操戈入室席捲去且欲逼曾  
與熊兩嫁之曾偕熊哭訴官懲以法越四月生子雙寡  
勤織紉教子成立曾年踰六十先熊卒

李氏邑郭諸生鄧義林妻義林歿李年二十九家赤貧撫  
諸孤悉憑十指課次子黃裳以冠軍補諸生娶婦蔣氏



識大義助夫養親年二十七夫歿撫二子越五載次子  
歿十載姑李卒十五載長子復歿氏以家難頻仍哀傷  
而死

陳氏瓘山熊觀濤妻幼淑慧父愛之異諸子已歸熊常爲  
父掌契券年二十四觀濤死父憐其少欲改醮之陳痛  
哭幾絕會父至家出契匣於廳曰亟持去無求之地下  
入內庭閉門拒不見晚家業垂盡隨子轉徙終無怨言  
年八十二卒

楊氏北門儒童唐之泌妻年二十八夫卒遺腹生一子慟  
哭日久淚漬襟袖成丹邑大水家不能舉火出績紵易

豐城縣志

卷之二十二

節婦

三十六

米飯翁姑已餐糠粃子長出血襟示勉承先志子旋卒  
復撫孫七十三歲卒

羅氏烏岡熊時高妻生子甫六月夫歿客所氏年二十六  
家窶甚無期功親苦守五十五年

陳氏同造孫汝旺妻年二十六夫死無子遂自經親屬救  
甦勸之曰俟汝叔舉子繼汝夫後今死無益也陳乃剪  
髮斷爪納夫棺洎叔生子卽立爲嗣撫之成人七十八  
歲卒

范氏瓘山儒童熊曰得妻曰得歿於閩范年二十五遺孤  
六歲夫弟亦少孤范日事女紅衣食之及病子以藥進



范却之曰向隱忍不從汝父地下者以汝及汝叔幼無所依恐斬汝祖汝父嗣今俱成立復何顧慮爲不藥死游氏石下諸生蔡德溥妻年二十九而寡遺孤廷權夫庶母弟暨從母子皆幼失怙恃鞠育教誨如所出廷權妻杜氏年二十七夫歿無子繼姪爲後姑媳相依一門雙節

涂氏瓘山熊懋欽妻夫歿遺腹生一子父母憐其少諭他適泣曰是呱呱者將焉置之遂以苦節終

徐氏洛湖橋熊良璿妻結褵五月良璿歿遺腹孤二歲而歿嗣以從子復歿復立卒延夫祀姑卧病十餘載奉事

豐城縣志

卷之二十二 節婦

三十七

不倦人稱節孝

劉氏瓘山熊肇瑚妻年二十三夫歿翁與父慮其年少勸改適劉以歲餘孤託妯娌夜經柩傍會救甦苦節四十餘年

唐氏舉人之江女鶴村杜銓妻年二十三夫歿遺孤甫二齡翁姑以慟子成廢疾族黨難其守唐矢志撫孤侍翁姑疾躬調藥物歷久不懈疾瘳以天年終人稱節孝

蔡氏南湖李師鉉妻年二十八夫歿遺孤殤母家謂女曰師鉉少孤長兄師鉞撫育之及析箸又不善治生今死貧而無子何不改適蔡誓不易志時夫兄次子涓生數



日泣請爲後教養成立渭英年食餼爲名諸生

范氏橋門揭天祥妻適揭甫一載天祥客黔歿友人歸其骸以葬時范年二十二臨穴誓以身殉親屬力勸歸立姪爲嗣貞靜自守外人罕見其面

王氏白沙鄧閣妻年二十四夫歿撫孤子桂又以力學過勞成瘵早卒媳李氏年十九與姑苦守人稱一門雙節饒氏瓘山熊曰德妾生子甫三月曰德歿饒年二十三嫡勸以改適饒抱子痛哭不從身任隸事奉嫡有禮至老無違

周氏潭埠熊茂梓妻年二十一夫歿家貧且鮮支屬子一

豐城縣志

卷之二十二 節婦

三十八

偶甫四歲矢志撫孤及長爲娶婦聶氏未幾一偶死聶年二十九念姑苦節茹蘗自勵人稱一門雙節

熊氏東坊聶景克妻年二十景克歿家無立錫孤未及晬力績得質購地葬夫事舅姑終老無缺養里人稱之

黃氏瓘山熊明甯妻年二十五夫歿斷髮矢志孝奉孀姑禮敬庶姑撫二孤成立長懋獎永綏廳同知

涂氏苦竹周世鎮妻年二十八夫歿無子父諷改適泣曰不有猶子乎遂立姪爲嗣操持嚴正親族罕見其面

趙氏石源夏永惠妻年二十一夫歿遺二女號痛幾絕母勸繼姪爲後尋歿與女相依苦守四十五年



聶氏一都三畝羅興彪妻歸未半載興彪客楚歿或勸之  
嫁聶痛哭曰古有甫合卷夫死而成節者未亡人獨不  
可自矢乎因立姪存夫祀後以哀傷卒

鄒氏同造孫瑤瑛妻年二十五夫歿姑早世翁病不能起  
者數年鄒左右扶掖親進飲食事之終老撫孤成立苦  
節三十九年

鄧氏蔣家樓蔣嗣玠妻年二十二夫歿無子其祖姑繆與  
伯祖姑武俱以貞節聞人稱一門三節

鄒氏吳先佑妻年二十一夫歿事翁姑孝課子力學早歲  
補邑庠嘗出緡績餘貲於通衢建茶亭人咸德之稱爲

豐城縣志

卷之二十二

節婦

三十九

節孝亭

聶氏蔣家樓蔣其季妻年二十六夫病革語氏曰親老子  
幼若之何氏慮夫疑己再醮截髮自誓夫歿事姑孝撫  
孤成立先是隣羅某因貧鬻子氏養爲己子後羅絕嗣  
氏遣歸并爲娶婦姑老盲於目氏左右扶持不假手僕  
婢年七十二而卒

范氏朱習玩妻年二十八夫歿氏事孀祖姑陳與孀姑鄒  
俱盡禮撫一子天寒輒以子溫祖姑已伴姑宿孤啼則  
就祖姑榻乳之家有藏書孤長令就讀嬉則扑後姑歿  
未葬隣火氏撫棺痛號火及門而熄守節四十三年



徐氏楊兆蘭妻年二十一夫歿姑垂老子紹齡甫三歲氏藉文紅供饘粥紹齡長娶熊氏年二十二齡亦歿徐與寡媳相依守志

徐氏銅釘聶必瀾妻年二十六夫歿撫二孤事姑以孝聞一日隣火將及舍姑病篤不能避氏籲天哀禱得不燬長子思祧娶鄧氏祧歿鄧年二十三姑媳相依爲命徐守貞四十年鄧守貞三十一年人稱雙節

李氏蛟湖徐之輅妻年二十三夫歿子錫蕃娶虞氏年二十六錫蕃歿錫蕃子廷扳娶聶氏年二十二廷扳歿俱勵志守貞人稱一門三節

豐城縣志

卷之二十二

節婦

四十

范氏畚田曾師恕妻師恕苦學早歿勵志撫孤嚴以濟慈年九十臨終自製紙衣紳士多以詩紀之

曾氏原任黃縣外委錢塘王文行妻文行陣亡氏年二十四守節

熊氏荷滿塘儒童劉明怡妻年二十五夫歿守志事舅姑孝遺二孤均成立未幾家失火氏捨身烈火中救姑皆得無恙鄉人異之

胡氏塘頭熊廷律妻年二十九夫歿撫孤振學成立振學歿與媳劉氏矢志共守一門雙節

傅氏規頭熊如尙妻年二十二守貞媳單氏友芳妻年二



十七守貞羅氏友忠妻年二十五守貞孫媳單氏登柳妻年二十九守貞白首完操一門四節

熊氏胡家嶺胡學煌妻年二十五夫歿遺孤早殤氏大慟曰吾志竭矣遂投繯家人救甦紡績勤苦終其身

劉氏瀘田尙良英妻年二十八夫歿遺二孤英弟良蘭妻陳氏年二十四夫歿無子劉以次子繼妯娌相依事孀姑俱以孝聞長子克瑞從九品職

鄧氏上城儒童金宗我妻年二十七夫歿長媳周氏功譜妻年二十一夫歿姑媳雙節次子奏功貢生孫浩邑庠

李氏上城儒童金德滋妻年二十二守貞滋弟德炳妻徐

豐城縣志

卷之二十二 節婦

四十一

氏年二十七守貞妯娌相依一門雙節

金氏胡家嶺胡曰舜妻年二十九守貞曰舜姪中儲妻陳氏年二十八守貞中儲弟中超妻饒氏年二十三守貞

一門三節

夏氏隍城圳上陳之行妻年二十四夫歿行弟之荆妻亦

夏氏年二十二夫歿妯娌孀居撫孤成立一門雙節

丁氏陽坊儒童羅福秩妻福秩幼孤祖母撫育福秩歿氏年二十三遺孤二氏以紡績事祖姑育二子人稱節孝

何氏湖北儒童熊祥震妻兩淮運判何新女在室值父病篤割股肉療父歸祥震早寡親操井臼事姑孝訓子嚴



以壽終

熊氏白沙羅秉琮妻年二十六夫歿一女適曾亦早寡母女苦操相依年俱八十餘

楊氏三都熊承美妻年二十三夫歿撫孤習良習良早卒後孤孫嗣紹亦早卒媳王氏孫媳陳氏俱承姑志一門

三節

謝氏塘頭諸生熊高翼妻年二十九夫歿事舅姑孝撫孤督課有賢母風子陽謙州同

陳氏南溪歐陽士漳妻夫以力學成瘵卒遺孤亦殤隣婦以家貧無子勸改適氏號痛引刀截髮撫堂姪爲嗣事

豐城縣志

卷之二十二

節婦

四十二

孀姑以孝聞卒年七十五

陳氏苦竹游志恭妻年十七歸游生三子未幾夫遭沉疴氏禱以身代及歿絕粒幾死者再舅姑曉以大義乃強進食家貧事畜俱資紡績訓子綦嚴以勤學端品爲勗伯祖方震憫其苦節題其堂曰貞孝次子錫鬯邑庠

甘氏坳背杜芳六妻夫歿無子姑老紡績爲生嘗自減食奉姑有賢名

甘氏田南金萬邦妻年二十五守貞一日隣火延燒及屋氏泣籲天所居竟無恙

熊氏四坊李見二妻年二十九夫歿撫孤守貞炊爨辛勤



紡磚庚續儉以自處人無間言晚年家稍裕獨建松林石橋聞者艷之

聶氏幼適塘下葛君祥合卷後年二十夫死遺一女甫百日請推受分田產奉養尊章與姊姒同居獨爨十指自給夜分置女破簾敗絮中少飲輟泣燈下急紡織爲明日薪水資倦假寐以機杼爲牀褥如是者十數年後以瘵卒人皆異之

毛氏三坊熊學聖妻青年矢志數十年如一日鄉里賢之黃氏後萬里萬介連妾有孕三月介連攜嫡往粵相繼歿氏年十九聞訃痛不欲生以姑老遺腹乃止後生子光

豐城縣志

卷之二十一

節婦

四十三

餘家已落養老撫孤皆取給於十指光餘冠爲娶婦段氏逾年生啟福又逾二年生啟祿祿生六月而光餘死段年二十一上承姑意勤操作端閭範訓子成立孫兆瑩補膠序家漸裕咸謂兩世苦節之報云

傅氏上點布政使理問贈奉直大夫楊玳妻年三十守貞現年六十封安人 馳封宜人子熙亮四川候補縣丞楊氏朱溪橋黃永泰妻四川石業司土官光文女性貞靜不苟言笑永泰客蜀聞其賢娶之歸以不逮事舅姑爲恨越數年永泰游楚之永綏挈眷居焉地僻瘴時起患脹疾延醫皆不繼氏脫簪佐藥餌永泰卒氏年二十八



攜幼子扶櫬歸營葬畢顧諸子曰吾不敢從汝父死者  
冀撫汝輩成立顯汝父也豹死留皮人死留名汝父在  
嘗樂誦斯語汝等識之年五十九以疾卒子仕清仕順  
均以從戎累遷至參將加副將銜仕林累遷授記名提  
督奇車博巴圖魯氏以仕林貴

誥贈一品太夫人

胡氏柳溪熊存适妻年二十六守貞子幼撫養成立既婚  
子若媳相繼亡遺一孫泣撫之隱痛含飴克全似續氏  
曰此亦我祖宗之垂蔭也現年七十四

李氏七坊廩生公仕誥妾年二十八夫歿矢志守節撫養

豐城縣志

卷之二十二 節婦

四十四

二孫舒翹舒芬俱入縣庠邑侯張獎以柏節松操匾額  
鍾氏樓下埠何上林妻年二十九上林客外死家壁立姑  
老子幼母家欲奪其志氏堅拒剪髮以誓憑十指爲事  
畜資年七十八卒曾孫鴻昌邑庠

袁氏一坊熊雲一妻年二十八夫歿針黹營生撫二子成  
立娶媳後子相繼歿氏慟絕立姪爲嗣生二孫姪歿氏  
抱二孫茹苦終身

于氏一坊滎塘陳敬達妻年二十八守貞咸豐辛酉粵匪  
竄境逼汚不屈斫其頸深入寸許死而復甦彌勵冰操  
李氏陽坊羅亨提妻年二十九夫歿家貧矢志撫孤事翁



姑克孝僉以女中君子稱之年八十二卒

徐氏二坊石上熊起瑞妻年二十八夫歿哭喪明紡績猶勤植孤守節迄無間然年八十八卒子鄱滙雍庠

張氏城南邑庠黃桂林妻增貢誠女也年十六歸林林苦學早歿氏青年矢志紡磚庚續孝姑撫孤人皆賢之

劉氏一坊源溪儒童傅焜焜妻年二十七夫歿矢志守貞家甚窘紡織營生敬事翁姑撫孤調鼎擇師督課列邑庠

袁氏五坊奉直大夫潘嘉杰妻年二十九夫歿矢志守貞孝事翁姑見推里閭勤紡織撫孤邦毓有成氏現年七

豐城縣志

卷之二十二

節婦

四十五

十有九以子職封宜人

徐氏五坊周模坎妻合卷甫一載夫歿哀痛幾絕念堂上白頭強起侍奉夙夜匪懈家窘甚以紡織營生同治年

間由部請旌

熊氏夫嶺徐廷恩妻年十九夫故遺孤甫十月家赤貧女紅資養姑老病足閱數霜左右扶持不少懈教子慈寓於嚴族黨咸稱之卒年七十有六孫績祿雍庠曾孫元

貞邑庠

歐陽氏邑庠勳之女胞兄郊邑庠弟祁己未科舉人幼歸潭埠鄢曰鳳得翁姑歡內外無間言年二十九夫歿以



未亡人撫孤駢兒至成立現年逾六旬題請建坊

羅氏井隴熊運亨妻年二十二夫歿母憐其少勸使他適氏泣絕粒七日家人以姑老孤幼慰之苦苦守至八十一而卒

徐氏玕溪陳魯珍妻年二十三夫亡撫孤事姑孝慈兼至卒年八十五子泰階業儒錦標武庠

羅氏洛溪呂忠清妻年二十四守志立姪爲嗣道光二年題請建坊

孟氏旗塘胡良賡妻年三十夫歿無嗣撫一女守志日食糟糠督女同紡織稍獲蠅頭輒貸於人後積金數百近

豐城縣志

卷之二十二

節婦

四十六

村有深澗每沒人氏特修石橋一道石路二十丈又深痛承祀無人先靈莫妥卒時以數十金付姪國選立清明會置墓田爲其夫祭掃供得年七十有三

羅氏旗塘胡友碣妻邑庠暄之女年二十五碣病卒不瞑目氏痛哭摧肝誓不改節自始暄母家以女青年無嗣恐其易志氏誓曰之死靡他更勉成之年八十二而卒

熊氏碣弟友礪妻邑廩熊聯瑚之女年二十八礪泛舟歿氏慘哭欲奔赴同驚時姪將產鄰婦趨救之得不死後撫孤慈有嚴訓上事翁姑備極孝謹卒以命塞自安有死無二卒年六十九後嗣蕃盛人以爲節孝之報



周氏碣姪孀童子緝妻處士秀圃女也年二十七緝卒氏  
矢志孀帷翁姑痛子相繼而逝有二穉叔賴氏竭力撫  
成時一門三節人咸欽之

傅氏五坊鳳池周輝斗妻適周甫二載夫歿越兩月遺腹  
生子氏念翁姑在堂遺孤在抱勵志孀帷奉養無違勤  
儉自處撫孤成立現年七十有三子夢蘭國學同治七  
年彙旌

